

# WA KI REJTE A



... pou glwa Seyè a ka vin sou nou jodi a atravè ministè Pawòl la. Epi se yon . . .

<sup>2</sup> Semèn pase sa a, M te yon ti jan pa twò anfòm akoz de tanperati a. Pa egzakteman akoz de tanperati a; se te yon tès ke m te dwe pase, yon tès fizik. E se sa w te tandè a, ke m t al lopital. Se paske m t al laba a konsa m pa ta oblije fè ale tounen lòtbò rivyè a. Ou pran yon gastwonomik siperyè, epi yon gastwonomik enferyè. Apre sa yo oblije, chak kèk minit, yo oblije tounen pou fè radyografi ankò. Men nou sipoze fè yo, chak si mwa, si n ap fè misyon lòtbò dlo. Frè Roberts ak lòt yo, mwen kwè, fè pa yo a chak si mwa. Men mwen pa t fè youn depi katran.

<sup>3</sup> Pwoblèm nan, mwen jis pa renmen lwil derisen sa, se sèlman sa. Epi yo di pa gen anyen lòt yo ka bay nan plas li, kidonk mwen, o, mwen te tèlman malad lè yo ban m bagay sa. Ou konnen, M te di w, nan istwa vi mwen, ki jan bagay sa te rann mwen tèlman malad. Epi—epi mwen jis rayi pran bagay la. Apre sa, mwen te di bon zanmi doktè pa m nan, si . . . “Èske pa gen yon lòt bagay?”

E li di: “M pa kwè sa, Frè Branham.”

<sup>4</sup> O, lè dam sa a te antre la ak sa, te sanble tankou, petèt m ap egzajere, men, sa te sanble tankou se yon lit. Se—se te . . . Mwen pat janm wè anpil konsa. Apre sa mwen jis te kenbe nen m pou lage l nan gagann mwen. Men, finalman mwen te vale l desann.

<sup>5</sup> Men kounye a, nan tout eprèw la, ak tou sa li te byen pase, mwen vle remèsye Seyè a pou egzamen pafè a. M te pase l, a san pou san; m ka ale nenpòt ki kote nan monn lan ke m vle. Mwen te mande doktè yo, ki te twa nan pi bon espesyalis yo, ke, m—m kwè, nan Louisville. E m te mande yo, m te di, “Èske omwen mwen di pousan andikape?”

<sup>6</sup> Yo te di, “Ou pa gen yon ti siy andikap.” Yo te di—te di, “Sante W an pafèt kondisyon, nan tout sans.” E m tèlman gen rekonesans anvè Bondye. De ki lòt moun sa te ka vini si se pa Papa nou ki nan Syèl la, ou wè, pou m vin fason sa?

<sup>7</sup> E li te di, “Ou . . . Tout sikilasyon w yo montre, anndan an la, ou byen jèn.” Li te di, “Selil san w yo poko menm kòmanse separe, oswa yon bagay konsa.” Li te di, “Ou anfòm anpil wi, Frè Branham.”

E M te di, “Ebyen, m tèlman kontan.”

<sup>8</sup> Epi mwen te gen privilèj pou m te pale, temwaye a chak enfimyè nan lopital sa, a chak doktè, konsènan Wayòm Bondye a. Epi yon doktè an patikilye, mwen kwè li sipoze isit la maten an. E mwen—mwen pral . . . Mwen byen kontan konnen ke gen bon moun nan monn sa ankò, de vrè zòm, dezòm ki te fè m pase

atravè yon egzamen fizik, pandan senk jou, ki te pwobableman koute de oswa twasan dola pou chak nan yo. Lè m te fini, yo te di, “Se kontribisyon pa nou pou travay Seyè a, ke w ap fè a.” Ou wè? Ya. Pa menm . . . yo te di, “Enben, ou fè nou jennen, pou menm mande nou si w dwe nou.” Yo te di, “Jis priyè ou pou nou!”

<sup>9</sup> “Epi alenteryè,” yo te di, “nou jwenn yon bagay emosyonèl ke nou pa ka konprann.” Apresa m te di . . . “Nou . . . Li—li pa sanble sa . . .” Li te di, “Alekteryè, ou pa sou lènè oswa kontrarye. Men,” yo te di, “alenteryè, gen yon emosyon ke nou paka konprann.”

<sup>10</sup> Mwen te di, “Si w jis chita la jis yon ti moman, m ap di w.” Apresa m t ap pale konsènan vizyon yo. Se te yon lòt domèn pou yo. Yo pa t konnen anyen de sa. Mwen te pale yo de Bib la. Answit mwen te rakonte yo vizyon Seyè a te fenk ban mwen lòt jou a, e yo te kriye tankou ti bebe. Jis chita la epi ap kriye. E mwen . . . yo . . . M te di, “Mwen espere ke nou pap pran m pou yon fou relijye oswa kèk ladan yo.”

<sup>11</sup> te di, “Pa ditou, Frè Branham. Mwen kwè sa ak tout kè m.” Li te di, “Men mwen vle di yon sèl bagay: Ou pa al lekòl pou aprann bagay sa yo.” M te di, “Mwen kwè yo vin de Bondye Toupwisan an.” E se te twa nan doktè ekstraòdinè nan Louisville, pi miyò ke yo te genyen. E, kidonk, mwen te tèlman kontan pou sa, pou konnen ke petèt Seyè a te kite m plante kèk Semans la.

<sup>12</sup> Chak enfimiyè, m te pale ak yo. Yo menm, yon maten, pandan m ap soti nan chanm radyografi a, mwen te di a . . . Mwen t ap gade yon pòv ti madanm. Li te tèlman malad. Apresa m te kontinye desann, ap desann jouk mwen te rive kote l. M te panse li te ka ap mouri. Epi M te di, “mwen vle poze w yon kesyon, sè.”

Li te di, “Wi mesye.”

Mwen te di, “Èske w se kretyen?”

E li te reponn, “mwen fè pati de yon legliz kèlkonk.”

<sup>13</sup> Apresa m te di, “mwen jis vle rann sa yon tijan pi klè.” Mwen te di, “Mwen—Mwen vle konnen si w se yon kretyen, yon kretyen pou de vrè. Ke, si ou ta travèse lanmè lavi a, pou al nan lòt Pèyi a, èske w renmen Li?” Mwen te di, “Èske w ta vrèman renmen sove?”

Epi li te di, “Wi, mesye. Mwen ta renmen sa.”

<sup>14</sup> Epi mwen te di, “Alòs ke Bondye beni kè w. Kèlkeswa nan direksyon van an soufle, w ap kòrèk lè sa a, osi lontan ke sa prale konsa.”

<sup>15</sup> E si nou jis fè tou a la, gen anpil bon moun ki rete ankò nan monn lan.

<sup>16</sup> Kounye a, jodi a, mwen vin ak yon vizyon ke m pral rakonte nou yon tijan pita. E m ta renmen pale, dabò, sou kèk nan Pawòl la, paske m kwè ke Pawòl la se vrèman esansyèl, pi esansyèl kounye a. E mwen kontan wè Charlie Cox, ak, frè, zanmi m ki

kanpe la, ansanm. Frè, mwen paka sonje . . . Jeffries, mwen paka sonje non li. Anpil nan nou lòt chè frè m yo ki soti nan Georgia, ki sot nan diferan pati nan peyi a. Ansyen zanmi mwen an, Bill, ki chita la, mwen kwè se sa, maten an. Epi—epi anpil . . . Ak frè ki soti Georgia la, moun ki ban m kostim sa a. Ou konnen, sa—sa se youn nan pi bon kostim ke m te janm pote. M jis santi m tèlman byen, reyèlman trè byen. E nou reprezante tèlman pou mwen. Lè m ap di w sa k te pase, dènye jou sa yo, pou mwen menm, ou pral wè poukisa mwen panse ke sa reprezante anpil pou mwen.

<sup>17</sup> Kounye a, mwen kwè, si Seyè a vle, mwen vle mennen batay la pi rèd pase anvan, nan lavi m. 'Paske, mwen jwenn la se . . . Natirèlman, m ta ka mouri jodi a. Sa a, ou pa konnen. Elektwo—kadyogram mwen yo ak tout bagay, sèz diferant kalite radyografi, ya, yon egzamen fizik konplè, sa te montre ke m te nan . . . osi nòmal ke nenpòt moun ta ka ye, yon èt imen sou tè a. Konsa, mwen gen rekonesans pou sa. Men, nan tout bagay, menm tout sa yo, mwen gen otan rekonesans epi kontan ak Bondye, poutèt mwen egziste, ke mwen kwè Li toujou kenbe m nan sèvis Li, se pa t sa Li te montre m jis yon titan anvan sa, ou wè, sa te jis rann mwen tèlman kontan.

<sup>18</sup> Kounye a, m panse, aswè a . . . Se kòrèk avèk ou? [Frè Neville di, “Wi mesye.”—Editè a.] Chè—chè frè nou an se—se yon moun ki pa egoyis, se—se frè Neville. Epi si nenpòt nan nou te la dimanch pase pou tande mèveye mesaj sa li te pote a, sou “krich lwil la,” li te eksep . . . Youn nan mesaj ki pi ekstraòdinè m te janm tande, se sa frè Neville te pote a, gras a Sentespri a, Dimanch dènye, pou ti twoupo brebi ke Bondye te rasanble ansanm nan.

<sup>19</sup> E si sa ta kòrèk, si sa fè Seyè a plezi, ak frè Neville epi legliz la, Mwen vle pale ankò aswè a epi kòmanse yon seri, annou di, Lendi swa . . . Mwen vle di, dimanch swa, ak mèkredi swa, epi dimanch pwochen, yon seri ke m te etidye.

<sup>20</sup> Mwen pa ta oblije rete la nan lopital la. Men, yo te tèlman bon pou mwen, yo te ban m chanm nan pou apeprè yon tyè pri li. E konsa m te jis pran bib mwen yo, liv mwen yo, epi m te remonte kabann lan, epi m te akokiye m la, m te gen tout Bib mwen yo ak bagay sa yo etale la a tou pre. Apresa m te reyèlman gen yon bon tan, jiskaske yo te vin ak lwil de risen sa anndan an la. Bon tan m nan te sispann la menm. M—M te fini lè sa. Men, frè Pat, m te vrèman malad. Bagay sa, m jis paka sipòte l. Epi, men m te gen yon bon moman, pandan twa oswa kat premye jou yo. M t ap pase yon bon moman.

<sup>21</sup> Apresa, mwen t ap etidye Liv Efezyen an. O, mete anplas sa pou Legliz! E mwen kwè se yon bèl bagay.

<sup>22</sup> Epi—epi si ou, bon, si w gen yon legliz pou ale, ou mèt ale tou dwat epi kanpe nan pòs devwa w. Men si w pa gen yon legliz, epi w ta renmen retounen aswè a, ak mèkredi swa, ak dimanch swa, Mwen ta renmen pran, aswè a, premye Liv Efezyen an, epi

mèkredi swa, 2yèm chapit Efezyen an, e dimanch pwochen, 3yèm chapit Efezyen an, pou met Legliz la annòd. Ou konn sa m vle di, Se—Se mete an plas, an pozisyon. Apre sa mwen panse ke se yon ranfòsman, pou Legliz la.

<sup>23</sup> Mwen pa . . . mwen—mwen jis ap di sa ak moun k ap vin nan Branham Tabènak yo.

<sup>24</sup> E si youn nan nou chè frè yo . . . Mwen konnen ke kèk nan nou, mwen panse, gen reyinyon. Ti frè nou an ki sot anwo nan Sellersburg, ak—ak diferan lòt, gen reyinyon. Kounye a, gade, sa yo se reyinyon revèy. Ou mèt al nan sa yo. Yo se sèvitè Kris, jèn gason ki kanpe nan espas la, ki soti deyò yo. Lè menm pwòp legliz yo te nye Verite a, ak bagay konsa, yomenm yo te vire do kite l touswit. E Bondye te rele yo nan ministè a. Wi mesye. Mwen—Mwen admire yon nonm . . . Mwen pa ka menm raple m non nonm lan. Men, li se yon jènnonm, byen elve, bèl gason, gen yon bèl madanm ak timoun.

<sup>25</sup> E—e Frè Junie Jackson te gen kèk reyinyon anba la, ki se yon lòt bèl mèvèy, trofe remakab gras etonan Bondye a. E lè yo gen revèy nan legliz nou yo, ale dwat ladan yo, paske sa a se . . . sa se bagay pou fè a. Paske, ou pa konnen, se ka yon pechè ki vin a lotèl, epi ou ka santi w pouse pou mennen moun sa a Kris la, ki pral gwo rekonpans pa w lè w janbe lòt bò a.

<sup>26</sup> Sa a se jis anseye ak mete Legliz la annòd, isit la nan tabènak la, ap bay yon kout men pandan n ap pase.

<sup>27</sup> Bon, mwen pa vin ak mont mwen, kidonk yon moun ap oblije siveye lè a pou mwen. Doc endike m, ke l gen youn, kifè, frè mwen. Konsa kounye a . . . [Frè Edgar “Doc” Branham di, “Mwen pa pral fè w peye anpil pou sa,” e li bay Frè Branham mont li a—Ed.] Ou pap fè m peye twòp pou sa? Dakò. Oke, kounye a, se trè byen. Bon, kounye a, mwen pa kwè ke bagay la menm kòrèk, pou kòmanse. konsa . . . [“Mèsi. Mwen pral di yon bagay sou ou.”] Kounye a, o, o, sh, sh, sh, sh. [“Mwen te rezève dis santim, jou fèt mwen an, maten an, jis pou fè kè w kontan.”] Ou te fè sa? Kounye a sèke . . . Revèy sa a fèk ap bouje reyèleman mye alò, Doc. Li te di ke l te kenbe dis santim, jou fèt li, pou fè kè m kontan, ‘Paske gen de oswa twa ant li menm ak mwen. Konsa, ou ka wè kote mwen ye, sou wout la. Men, o, sa pa yon ti kras pwoblèm, pou mwen. Kounye a, m pa pral pale twò lontan.

<sup>28</sup> Kounye a, si gen etranje nan pòtay nou, se sèten nou vle swete w byenvini ak tout kè nou. Ou byenvini vrèman isit la nan ti tabènak sa. Nou pa gen yon twò gwo konstriksyon. Li nan pwogram nou kounye a pou n konstwi, pa yon gwo plas, men jis yon . . . Sa a jis vrèman delabre. Epi n ap eseye bati yon bèl ti legliz konfòtab isit la, osito ke nou . . . Seyè a va pèmèt nou fè sa. E anpil nan nou tout ap fè efò nan sans sa, e se sèten ke nou vrèman apresye sa.

29 Kounye a mwen vle w ale avè m, maten an, pou lekti a, nan 1 Samyèl chapit uit la, ap kòmanse anviwon, ann kòmanse ak vèsè diznèf la, vèsè diznèf e ven, petèt, yon ti tèks pou gen yon kontèks.

30 E kounye a, pandan w ap chache l, anvan nou . . . N ap li l, e answit nou vle lapriyè. E èske gen nenpòt demann maten an, pou di, “Jis sonje mwen”? Nan dènye reyinyon nou, de semèn pase, oswa twa, lè m te gen reyinyon an . . . Tande, nou . . .

31 An pasan, pandan n ap chache a, reyinyon Chautauqua a ap kòmanse, le sis la. Nou espere pase yon bon moman, nan Middletown, Ohio. Ou menm ki gen vakans ou k ap rive, nou mèt vini. Ap gen yon gwo kan, la menm bò larivyè a, kote, o, nou . . . tout predikasyon ou te janm tande. Yo tout ap nan de bout rivyè a, predikatè yo, chak maten, lajounen kou lannwit. Konsa yo tout reyini ansanm. Se yon gwo kan, menm plizyè fwa, pi gwo pase Silver Hills. Epi—epi apre sa gen yon gwo plas la a kote nou ka mete ant uit ak dis mil moun. Epi li toujou ranpli a krake. N ap pase yon bon moman nan Ohio.

32 Epi vye Frè Kidd, ke m t al priye pou li, lòt maten an. Nou tout sonje m te di nou, twa semèn de sa? Doktè a te ba l vennkatrè, pou viv. Li sou pye l ap pwonmennen. Li te site yon Ekriti, yon chante li pa t kab chante. Apre sa lè m te antre pou ap gade l, lòt maten an, ak ti foula sa sou li. M te kite isit la apeprè a twa oswa katrè avan jou, pou m te ka gentan jwenn li. Yo te di li tap mouri jou sa a; ak kansè pwostat.

33 Apresa, vyep, ti madanm presye li a, te konn fè lesiv pou senkant kòb pa jou; sa se anvan solèy leve, jouk apre lannwit, pou senkant kòb, pou kenbe mari l nan chan antanke predikatè. Li te preche yon de semèn revèy, e li te ranmase ofrann, li te jwenn katreven kòb.

34 Men m te wè yo chita la lòt maten an, yo toude, vyep ti koup sa, yon ti koup, pito, ki te chita la, ak ti foula l sou zepòl li. Epi youn nan konvèti l yo, gen katrevendèzan, jis osi intèlijan e eklere, anplis Pannkòtis jouk nan mwèl, e yo te chita la, ou konnen. Apresa m te di, “Ou konnen pou kisa nou menm moun aje yo ka chita isit la? Se jis pou ap tann bato a k ap vini.” Se tou. Zèv pa yo, tout sa yo te akonpli, yon—yon objektif yo te atenn, epi yo pare kounye a pou al resevwa rekonpans yo.

35 E m te di Frè Chev, Frè Kidson . . . Kidd, jou maten sa a, “Ou va nan reyinyon Chautauqua a.”

36 Li te rele m yè, li te di, “Mwen . . . M ap la, Frè Branham.” Sa jis byen.

37 Anpil nan reyinyon yo, apati de nouvo ministè m k ap vini an. Yon frè, yon frè Batis ki kanpe la, pittit fi l la, yon adolesan, te yon ti jan tèt di. E M te di l: “Mwen reklame pittit fi w la pou Seyè Jezi a,” lòt maten an. Epi lè l t al lakay li, manmzèl te sove. E lòt la isit la maten an, pou batize epi kontinye avanse.

38 E yon nonm, Mesye Sothmann, yon zanmi mwen ki sot Canada, bèlmè l nan yon kondisyon sou pwen mouri, M te di, “W ap jwenn bèlmè w la, byen, lè w rive laba, sou wout gerizon, dakò.” Se egzakteman fason l te ye. E jis . . . moun ki fèk antre yo. Se jis li nan kòmansman l kounye a, pou ap bouje. Men, o, n ap atann nou ak pi plis anpil, an abondans sitou. Nou nan move jou mechan ak dènye jou yo, men nan yon moman gloriye.

39 Kounye a èske w gen Bib ou, pou lekti a, nan Samyèl chapit uit? Apre sa M te pwomèt Gene pou ret dèye a la a, pou anrejistre rès sa. Nou apenn kòmansse, reyinyon nou an.

*Men pèp la te refize obeyi vwa Samyèl. Epi yo reponn li, Non; nou pral gen yon wa nan tèt nou;*

*Pou ke nou . . . ka tankou . . . nasyon an, tout nasyon yo; epi ke wa nou an ka jije nou, Epi Ale devan nou, epi goumen nan batay nou yo.*

*. . . Samyèl te tandè tout pawòl sa yo ki vin de pèp la, epi . . . te repete yo nan zòrèy Seyè a.*

*E SEYÈ a te di Samyèl, Koute vwa yo, epi bay yo yon wa. Samyèl di gason pèp Izrayèl yo, ke chak gason al nan vil li.*

40 Koulye si M ta dwe eseye chwazi nan sa a, maten an, sa m ta rele yon tèks, pou kèk minit k ap vini yo, Mwen ta renmen chwazi tèks sa: *Wa Ki Rejte A*.

41 Se te yon tan, ki tankou tout tan, kote moun pat janm vle Bondye dirije yo. Yo vle pwòp fason pa yo pou dirije. E istwa sa a maten an . . . Epi lè w al lakay ou, li ta bon pou w li l jouk nan fen an. Se te pandan lè—lè epòk Samyèl, òm de Dye, pwofèt la. Bon li te yon nonm dwat, e yon bon moun, onorab, ak bon renome, serye epi onèt ak moun yo, pat janm twonpe yo, e li pat janm di yo anyen ke dirèkteman ENSI DI SEYÈ A.

42 Men moun yo te rive nan yon pwen kote yo te vle chanje pwogram sa a. Yo te gade sou Filisten yo, Amalesit yo, Amoreyen, Itit yo, epi moun lòt nasyon ki nan monn lan, e yo te wè ke yo te gen wa ki ap reye sou yo, pou gouvène yo, ak gide yo, epi mennen batay pou yo, elatriye. E ta sanble ke Izrayèl te vle konpòte yo tankou wa sa yo, e menm jan ak moun sa yo.

43 Men sa pat janm fèt, nan nenpòt laj la, ke entansyon Bondye pou pèp Li se ap ajì tankou moun nan monn lan, oswa pou yo gouvène oswa kontwole tankou moun ki nan monn lan. Pèp Bondye a, tankou tout tan, te yon—yon pèp espesyal, yon pèp diferan, ke yo rele soti, ki separe, epi totalman diferan nan aksyon yo, nan fason yo, nan fason y ap viv, plis pase sa pèp nan monn nan genyen. Apeti yo pou dè bagay, ak tout sa yo fèt, te toujou kontrè ak bagay moun ki nan monn nan dezire.

44 Epi pèp Izrayèl la te vin kot Samyèl, e yo te di, “Kounye a, w ap fin granmoun, epi pitit gason w yo pap mache nan tras

ou.” Paske, yo pat onèt tankou Samyèl. Yo te kòwonpi ap kolektè lajan. E yo te di, “Samyèl, pitit gason w yo pa menm jan avè w, kidonk nou vle w soti al chache yon wa ban nou, Epi wenn li, epi fè n tounen yon pèp tankou lòt pèp ki nan monn lan.”

45 Epi Samyèl te eseye di yo ke sa patap mache. Li te di, “Si w fè sa, premye bagay w ap konnen, ou pral jwenn ke l ap mande pou tout pitit gason w yo kite kay ou, pou fè yo vin sòlda, k ap kouri devan charyo l, pote zam ak javlo. Pa sèlman sa, men li pral mande pitit fi w yo, pou yo vin boulanjè, epi pran yo nan men w, pou nouri lame a. Epi,” li te di, “anplis de tout sa, li pral retire yon kantite taks sou nou, sou grenn semans ou yo, ak tout revni nou. Li pral met taks sou tou sa, pou fè kantite dèt pou gouvènman an, elatriye, ke yo pral gen pou peye.” Li te di, “Mwen panse ke nou, tout ansanm, ap komèt yon erè.” Men lè . . .

46 Pèp la te di, “Men kanmenm nou vle fè tankou lòt moun yo.” Gen yon bagay osijè de gason ak fanm, sèke yo anvi sanble youn ak lòt. E te gen yon sèl moun ki te janm viv sou tè a ki te egzanp nou, e se te Sila ki te mouri pou nou tout, Seyè ak Sovè nou an, Jezikri. Li te egzanp pafè de kisa nou ta dwe ye, toujou ap okipe L de zafè Papa a, epi ap fè sa ki dwat.

47 E kèlkeswa jan Samyèl te eseye konvenk pèp la, yo te vin kote l san rete, lajounen kou lannwit, “Nou vle yon wa. Nou vle yon nonm. Nou vle yon nonm ke n ka di, ‘Sila se gid nou an.’”

48 E sa pa janm te volonte Bondye. Se pa t janm volonte Bondye, oswa sa pap janm volonte Bondye, pou lòm dirije youn lòt. Bondye domine sou lòm. Bondye se Chèf nou, Wa nou.

49 Epi li se vrèman, yon trè gwo danje jodi a, paske nonm sa sanble gen menm lide sa a. Sanble ke yo pa kapab konprann ke Bondye toujou reye sou lòm, olye ke se lòm k ap reye sou lòm.

50 Se konsa yo te chwazi yomenm yon nonm ki te rele Sayil, ki te pitit gason Kich la. Epi li te yon nonm ki gen bon repitasyon, yon nonm onorab. Men, li te fè zafè moun yo jis pafètman, paske li te gran, wo, nòb, ak pòtray yon nonm. Ekriti a te di ke tèt ak zepòl li te depase nenpòt moun an Izrayèl. Li te gen aparans yon wa, e li te bèl gason nan figi l. Li te yon nonm entèlijan e ekstraòdinè.

51 Kounye a, sa se jan de moun ke moun renmen chwazi jodi a. Moun yo sanble yo pa satisfè ak fason Bondye te dispoze Legliz Li a, pou l gouvène epi kontwole pa Sentespri a. Yo vle yon moun, yon nonm, yon denominasyon, yon kalite moun pou gouvène Legliz la. Sèke, yo pa kab lage yo nèt nan men Bondye, pou yo ka espiritiyèl, pou Sentespri a kondui yo. Yo vle pou yon moun pou fabrike relijyon yo a pou yo, yon moun ki va jis di yo kijan pou yo fè l, ak tout sa ki gen rapò avè l.

52 Konsa nonm sa a te sanble fè afè a egzakteman, paske li te yon nonm entelektiyèl anpil.

<sup>53</sup> Epi sa se konplètman tankou jodi a. Nou renmen chwazi jan de moun sa yo, tou, pou kontwole legliz nou yo, pou kontwole Legliz Bondye a. M pa gen anyen m oblije di kont sa, men jis sèlman pou pwouve yon pwèn, ke: se pa sa, sa pa t, epi sa pap janm volontè Bondye, pou yon tèl bagay fèt. Bondye dwe gouvène pèp Li, dirije chak endividu.

<sup>54</sup> Kidonk nou jwenn ke pitit gason Kich sa a, yon nonm remakab, epi—epi prestans li, epi li. . . Li sanble l te fè afè moun yo, rad sou kò l tap parèt ekstròdinè. E kouwòn lan sou tèt li, tap depase byen wo tout lòt moun yo, lè l ap mache, li t ap yon—yon vrè avantaj pou wayòm Izrayèl la. Paske, wa lòt nasyon yo, taka, takap di, “Gade ala yon nonm!” Kouman yo taka pwente dwèt yo pou di, “Gade la, ala yon gran wa nou genyen! Gade yon nonm remakad k ap dirije nou!”

<sup>55</sup> E sa tris pou di, men ala sa vre jodi a ak legliz la, yo renmen di, “Pastè nou an pa yon nonm ak lespri fèmèn. Li se yon nonm remakab. Li se yon diplome Hartford,” oswa kèk gwo lekòl teyoloji. “Li gen kat diplòm ki vin de *tèl-e-tèl* kote. Epi li se yon trè bon rasanblè pami moun yo.” Tou sa ka trè byen, epi nan plas li. Men fason Bondye pou Legliz Li se pou L sou konduit Sentespri a, e pa Sentespri a.

<sup>56</sup> Men yo renmen di, “Nou gen gwo denominasyon sa a kote nou se manb. Nou te kòmanse depi premye epòk pyonye yo, lè nou te an minorite, jis yon vyep ti kras moun, tou piti. Epi kounye a nou gwosi jouk nan pwèn ke nou pami pi gwo denominasyon ki egziste. Nou gen pi bon lekòl, ak pi bon minis edike yo. Nou gen fowl moun ki pi byen abiye. Epi moun ki pi entelektyèl nan vil la ap frekante denominasyon nou an. E nou fè la charite. E nou fè bon zèv, ak tout bagay konsa.” E pa gen anyen ditou, mande Bondye padon, pou m te ka di yon sèl mo kont sa, paske tout sa trè byen.

<sup>57</sup> Men, toujou, se pa volontè Bondye pou lòm te dwe dirije lòm. Bondye te voye, Jou Pannkòt la, Sentespri a pou gouvène kè lèzòm, epi gouvène lavi li. Sa pa t konsevwa pou lòm te domine sou lòm.

<sup>58</sup> Men nou renmen di sa. Se yon bagay ki ekstraòdinè anpil lè nou ka di nou fè pati de tèl gwo òganizasyon.

<sup>59</sup> “Èske w se kreyen?” Se konsa m te tonbe sou sijè sa a, lè m te lopital la. Epi m ta mande youn, “Èske w se kreyen?”

“Mwen fè pati de *tèl-e-tèl*.”

“Èske w se kreyen?”

“Mwen fè pati de *tèl-e-tèl*.”

<sup>60</sup> Apresa yon ti enfimyè te vin bò kabann nan, kote m t ap li Bib la, epi li te yon—yon nouvo enfimyè sou etaj la. E l te di, “Kòman w ye.” Li te di, “Mwen kwè ke w se Reveran Branham ki vin pou yon konsiltasyon fizik.”



Mwen di, “Se mwen.”

61 Epi li di, “Èske m ka fwote do w, l ap fè w santi w on tikras pi byen ak alkòl la?”

Aprè sa m te di, “Ou mèt fè l.”

62 Epi pandan l t ap fwote do m, li di, “Nan ki denominasyon legliz ou mache?”

63 E m te di, “O, mwen fè pati de pi ansyen denominasyon ki egziste.”

Epi li te di, “Ki denominasyon sa?”

64 Mwen te di, “Se sila ki te òganize anvan mond lan te janm òganize.”

65 Epi, “O,” li te di, “kisa? Mwen pa kwè m menm konn sa a.” Li te di, “mwen mache nan yon legliz *kèlkonk*. Èske se òganizasyon sa?”

66 M te di, “Non, madam. Sa se te sèlman anviwon desanzen de sa, òganizasyon sa. Men òganizasyon sila te kòmanse lè zetwal maten yo t ap chante ansanm, e pitit gason Bondye yo t ap rele byen fò ak lajwa, lè yo te wè vini yon Sovè pou rachte limanite.”

67 E li te jis sispann fwote do m. Apresa, mwen te koube yon ti kras, sou bò *sa a*, pou dam nan te kab fwote. Epi li te sot tou pre Corydon, anba la a. Nou te kòmanse ap pale. Apresa li te di, “Mesye, mwen te toujou kwè ke si Bondye te janm Bondye, Li toujou Bondye, jodi a, menm jan Li te ye nan ansyen tan yo.” Li te di, “Menmsi legliz mwen demanti sa kareman, men mwen kwè ke se Laverite.”

68 Apresa m te di, “Ou pa lwen Wayòm Bondye a, jènfi.”

Li te di, “Si Li te janm yon gerisè, èske Li pa toujou yon gerisè?”

Mwen di, “Li se sètènman sa, sè mwen.”

69 Men lòm vle gouvène, epi domine sou lòm. E lòm vle pou lòm domine sou li. Li pa vle ke se Bondye ki pou dirije.

70 Konsa Sayil, pitit gason Kich sa a, se te non li, te jis repons a sa yo te vle a, kokenn nonm enpozan an. Epi li . . . O, li te kab jis akonpaye yo nan batay yo, elatriye. Men, toujou, se pa fason Bondye pou fè bagay yo. Bondye te vle vye pwofèt fidèl Li a pou dirije yo, epi pou l di yo Pawòl pa Li.

71 Ebyen, jodi a, nan laj legliz ekstraòdinè nou an kote n ap viv la, noumenm, mwen panse, e mwen kwè sa ak tout kè m, ke nou te ale egzaktman nan sans kontrè de sa ke Bondye te òdone nou pou fè. Dènye Pawòl Sovè nou an se nan Mak 16. Li di:

*Ale toupatou mond lan, epi preche levanjil la bay tout kreyati.*

*Moun ki kwè epi ki resevwa batèm pral sove; . . . moun ki pa kwè va kondannen.*

*Epi siy sa yo va swiv sila yo ki kwè; Nan non Mwen yo pral chase move lespri yo; yo pral pale nan yon lòt lang;*

*Epi si yo ta kenbe sèpan; oswa . . . bwè . . . bagay ki ta touye yo, li pa ta fè yo mal; epi si yo . . . mete men yo sou moun malad, . . . yo pral refè.*

<sup>72</sup> Pa gen pèsonm, pa gen ankenn pitit Kich, oswa okenn lòt, ki ka fè sa apa konduit Sentespri a. Men nou te konstwi lekòl, nou te konstwi seminè, e nou te bati òganizasyon, pou—pou satisfè, epi sanble ak rès mond lan.

<sup>73</sup> Kounye a, Sentespri a te konn abitye Lidè nan nasyon sa a. Nasyon sa a te konn abitye gouvènè lontan nan . . . lè yo te ekri deklarasyon endepandans lan. Te gen yon chèz anplis ki te depoze la. Pa gen yon tizing dout nan panse m ke Pitit Bondye a te chita arebò tab sa, lè nasyon sa te fonde sou prensip libète relijyon ak libète pou tout moun, Epi sou baz Pawòl Etènèl Bondye a.

<sup>74</sup> Men nou te kòwonpi sa. Politik; nou te vote dèzòm la, tankou se te komès achte ak vann, ak fo pwomès. Jiskaske . . . Nasyon nou an, ak politik nou yo, epi demokrasi nou an, sitèlman kòwonpi jouk li—li makonnen ak kominis epi tout sòt de is.

<sup>75</sup> Epi anpil fwa nou mande pou fè lapriyè nan reyinyon yo, lè lig nasyon yo te konn rankontre, epi la . . . oswa pou gen diskisyon. Epi nan yon gwo, moman espesyal, dènyèman, pa t menm te gen yon moman pou lapriyè. Kijan n ap janm ka regle divèjans yo san lapriyè? Kijan nou ka janm atann, nan tout mond lan, pou nou janm fè yon bagay san konduit Sentespri a?

<sup>76</sup> Men kite m di sa avèk lanmou e respè pou nasyon nou an e pou drapo li, e pou repiblik ke li reprezante a: Nou te rejte Lidè nou an, Sentespri a, e atravè politik kòwonpi nou te fè moun ki gen lespri pèvèti yo antre. Ebyen si n pa vijilan, yo pral fè youn nan erè ki pi grav ke yo te janm fè, kounye a menm, se paske moun yo gen dèzi pou lèzòm gouvènè.

<sup>77</sup> Sa nou bezwen nan kapital Etazini sa a, kòm prezidan, sa nou bezwen nan Kongrè a, sa nou bezwen nan sal lajistis nou yo, se dèzòm ki konsakre vi yo a Bondye, epi ranpli ak Sentespri a, epi dirije pa komisyon Diven pa L. Men, olye de sa, nou chwazi dèzòm entelektiyèl, dèzòm ki gen yon “pran pòz yo sen, men ki renye pwisans Bondye,” dèzòm ki se ate, e pafwa menm pi mal ke sa, ke nou fè antre nan domèn politik, nasyon nou an.

<sup>78</sup> Non sèlman sa, men yo nan legliz nou yo. Legliz nou yo vin kòwonpi sou baz ke noumenm, nan fè chwa bèje pou dirije nou, nou t al nan seminè e nou te chwazi dèzòm ki se gwo jeyan entelektiyèl, moun ki mastèbrenn anpil, moun ki gen bous detid, e ki vrèman ka pèmèt melanj pami moun yo, epi yo se moun remakab nan katye a, ke m pa gen anyen a di kont yo. Dèzòm ki janti nan fason y ap mache, ki pran prekosyon nan fason y ap viv, ak jan yo konpòte yo nan mitan gason parèy yo, e nan mitan

moun, Dèzòm ekstraòdinè nan domèn yo, ke m pa di mechanste kont yo. Mande Bondye padon pou lespri m ta mechan nan eta sa. Men, kanmenm, se pa sa Bondye te chwazi pou nou.

<sup>79</sup> Se konduit Sentespri a: Kris nan kè lèzòm. Anpil nan mesye entelekyèl sa yo ki kanpe dèyè chè nou yo nye vrè egzistans Sentespri a. Anpil nan yo nye egzistans gerizon Divin ak Pwisans Lespri.

<sup>80</sup> Mwen t ap li yon atik, yè, mwen kwè se te, yon seri ekstrè jounal ki vin de Jack Coe, Jack Coe defen an, li . . . se youn nan konvèti m yo nan Seyè Jezi, ki te yon nonm vanyan, nan epòk li. Epi yo te rele l pou kesyone l, anba a nan Florid, paske yo te mande yon jèn timoun pou retire aparèy òtopedik li sot nan pye l, pou travèse estrad la. Epi lè l te fè sa, timoun nan te travèse estrad la, nòmalmàn, men li te tonbe lè l te rive bò kot manman l. Tout sa se te yon montaj ènmi Kris la, jèn dam sa a ak mari l te trennen brav frè nou an nan tribinal peyi a.

<sup>81</sup> Epi lè pou chak legliz ta dwe pran pozisyon pou Frè Jack, lè chak òm legliz k ap pale nan Non Jezikri ta dwe kanpe bò kote l, ak kouraj, chak òm k ap evoke non Seyè Jezi a ta dwe tonbe sou jenou nan lapriyè, men, olye de sa, atravè tit jounal yo, youn nan gwo denominasyon nou yo te di ke yo met ansanm ak ate yo, pou kondane, anprizonnen Frè Jack Coe. Èske w ka imajine yon legliz, ki rele tèt yo Non Kris la, ta nan bay lanmen ak ate, pou kondane yon sentòm ki t ap eseye ak tout kè l pou pran pozisyon pou Bib la? Men yo te fè l.

E Apresa, Frè Gordon Lindsay t al bay konkou l.

<sup>82</sup> E lè jij enkredil la te di, “Nonm sa a se yon magouyè paske l te pran aparèy òtopedik timoun sa pou voye l travèse estrad la, e li di ke l te ‘geri.’ Kidonk li bay manti, epi li fè yon bagay kontrè ak rekòmandasyon doktè, se poutèt sa li gen yon ka pou fwod kont li.”

<sup>83</sup> E Mesye Coe leve kanpe, e l te di, “Mesye, mwen defye deklarasyon sa. Bondye te geri ti gason an.”

<sup>84</sup> E jij la te di, “M ap mande nenpòt moun nan tribinal sa a si deklarasyon sa ka laverite, ke Bondye te kab geri ti gason sa nan yon bout estrad la, epi kite l malad nan lòt bout la. Si deklarasyon sa ka pwouve nan Bib la, lè sa, m ap di ke Mesye Coe gen dwa fè deklarasyon l lan.”

<sup>85</sup> E yon minis te leve men l, e l te di, “Onorab, mesye, èske m ka pale?”

E jij la di, “Ou mèt pale.”

<sup>86</sup> Minis la te leve kanpe, e l te di, “Yon jou lannwit, sou yon lanmè ki t ap woule, lè yon ti bato te sou pwen al nan fon, tout espwa sove te pèdi. Yo te wè Jezi, Pitit Bondye a, ki t ap mache sou dlo a. Epi youn nan apot yo, ki rele Pyè, te di, ‘Si se Oumenm, Seyè, pèmèt mwen vin jwenn Ou sou dlo a.’” E li te di “Seyè a te

di apot Pyè, ‘Vini non.’ E li te soti nan kannòt la, mesye, ap mache menm jan ak Jezi, li t ap mache sou dlo a. Men, lè l te vin pè, li te kòmanse koule anvan l te rive jwenn Jezi.”

Jij la te di, “Koz la regle.”

Nou bezwen konduit Sentespri a, pa mesye entelektyèl yo.

<sup>87</sup> Sayil, pitit Kich la, yo te fè l kaptenn sou pèp la, e li te pran de mil òm, e Jonatan te pran mil. Jonatan te desann nan yon ganizon, li te touye yon pakèt moun Amonit, Amonit yo, pito. E lè—lè li te fin frape yo, Sayil te sonnen twonpèt, apre sa li te di, “Ou wè sa Sayil fè.” Li te kòmanse gonfle lestomak li.

<sup>88</sup> Jis osito yon nonm vin yon gwo Doktè an Divinite, oswa gen yon ti bagay deyè non l, li vin, plizoumwen, youn ki konn tout bagay.

<sup>89</sup> Moun Bondye yo se moun ki enb. Pèp Bondye a se moun ki enb. Lè w wè moun ki di li te resevwa Sentespri a, epi kòmanse ap separe tèt yo, sipozeman, san yo pa gen Lafwa, ap vire anwon, ap eseye vin yon bagay ke yo pa ye, jis sonje, yo pat resevwa Seyè Jezi a.

<sup>90</sup> Answit nou jwenn ke lènmi an antre. E l ta pral antre nan yon ti ponyen moun nan pèp Bondye a, e li ta pral rache je chak moun.

<sup>91</sup> Se sa lènmi an toujou ap eseye fè, se rache toude je yo, si l kapab, konsa pèp la pa ka wè sa y ap fè. Se sa Satan ap eseye fè chak kreyen jodi a, rache vizyon espiryèl li, pou l ka sèlman swiv sans entelektyèl bagay yo, e pa sans Sentespri a k ap dirije l la.

<sup>92</sup> Kidonk lè yo te fè sa, lè gwo defèt la te rive, Alòs Sayil koupe de gwo toro bèf e l te voye yo bay tout pèp la. E Mwen swete pou ta remake la, lè Sayil te voye moso bèf yo bay tout pèp Izrayèl la, li di yo, “Se pou tout moun ki pa vle swiv Samyèl ak Sayil, pou l vin, menm jan, ak bèf sa a.” Èske w wè jan li te eseye nan malis reprezante tèt li ak òm de Dye a? Ala—ala sa te antikreyen! Krent pèp la se te akòz de Samyèl. Men Sayil fè yo tout swiv li paske pèp sa te pè Samyèl. “Ke yo swiv Samyèl ak Sayil.”

<sup>93</sup> E konbyen fwa, jodi a, nou te tande sa! “Nou se Legliz ekstraòdinè a. Nou se Legliz Kris la. Nou se Legliz Bondye a. Nou se *entèl-entèl* la—la.” Sa fè pèp la vin pè, epi yo panse ke se vrèman kote sa Bondye ap travay. E yo pa vle lidèchip Sentespri a. Yo ta pito swiv dèzòm konsa, paske yo renmen viv pwòp vi endividyèl pa yo. Yo renmen kwè sa yo vle kwè.

<sup>94</sup> Eske w wè? Sentespri a se Jij nou. Bondye pa janm bannou yon pap, oswa yon evèk, oswa nenpòt moun nan, pou Jij. Sentespri a, Bondye an Pèsòn, sou fòm Sentespri a, se Jij nou ak Gid nou. Kounye a, poukisa sa a?

<sup>95</sup> Tanpri eskizem mo gwosye sa, epi mo ki pi gwosye. Mwen pa vle di sa pou m mechan. Mwen di sa nan lanmou.

96 Men Sentespri a di li pa bon pou fanm nou yo koupe cheve yo. Epi li mal pou fanm nou yo mete ti bout pantalon ak kanson, pou yo fade bouch yo epi mete penti nan figi yo. Sentespri a di li pa bon.

97 Men nou vle dèzòm k ap di nou ke tout bagay byen, “Toutotan n ap swiv mwen ak Samyèl.” Yo renmen viv tout sis jou yo, nenpòt fason yo vle a, epi al legliz dimanch maten. Epi yon bon jan entelektyèl diplome nan kolèj epi chaje ak diplòm ka preche yo yon ti mesaj ki pral . . . ak kèk blag ladan l, ki ta chatouye zòrèy yo epi pote divètisman pou yo, tankou kèk fim oswa pwogram televizyon. Epi fè yon ti priyè pou yo, epi voye yo lakay yo ak—ak yon santiman sekirite ak satisfaksyon pèsonel ke yo te fè devwa relijye yo. Se pa volonte Sentespri a.

98 Sentespri a vle w viv yon fason pye, chak jou nan semèn nan, epi chak nuit, separe tèt ou ak bagay ki nan monn lan.

99 Men legliz la pa vle sa. Yo vle yon nonm ki kab—ki ka entèprete Bib la jan yo vle tande L la. Yo p ap koute Vwa Sentespri a k ap pale atravè Bib la. Anpil nan yo vle di, “Jou mirak yo pase.” Se sa ki satiyèt moun yo. Yo vle di, “Pa gen okenn batèm Sentespri.” Moun yo pa vle aji diferan de jan rès monn lan aji. Yo pa vle al nan lari a epi gen figi yo lave, e—e mesye yo ak aparans pwòp, san yo pa gen sigarèt nan bouch yo, ak—ak siga, ak pip, epi—epi bagay ke gason konn fè yo. Apresa fanm yo vle cheve yo koupe vrèman kout, ak—ak ti bout rad sou yo, e ki montre fòm yo, ak bagay ke yo vle yo. Yo—yo vle moun ki va di yo, “Sa a se byen.”

100 Apresa, lòt jou swa, men yon nonm ki te vin di m, paske m te preche kont tèl e tèl, ke yon gwo denominasyon, apeprè senk nan yo, te di, “N ap lage Frè Branham epi nou pap gen anyen lòt pou wè avè l. Ou pral swa rantrè kasèt sa yo, epi mande eskiz pou yo, swa n ap kite w tonbe.”

101 Mwen di, “M ap rete ak Pawòl Bondye a. Si sa dwe pran tout sa k nan lavi mwen, M ap rete ak Pawòl la. E m ap . . .”

Li te di, “Bon, èske w pa ta dwe retire *tèl-e-tèl* kasèt?”

102 Mwen te di, “Mwen pa janm preche anyen, nan vi m, ke m te wont de li. M pap retire okenn kasèt oswa okenn anrejistreman. M ap rete ak sa Sentespri a di. M ap viv e mouri ak sa.” Se pa pou ap eseye pale de mwen kounye a. Men mwen jis ap eseye ba w yon egzanp de sa k ap pase, konsa ou va wè epi konprann. Se moun ki vle ke lèzòm dirije yo.

103 Yo pat vle Samyèl. Kidonk anvan yo te wenn Samyèl wa . . . Oubyen Sayil, wa, ekskize m, Samyèl tounen kote yo ankò. E mwen pral jis itilize langaj ke l ta ka eksprime l jodi a. Ou ka li l. Li te di, “Ki pwoblèm ki genyen lè se Bondye ki Wa nou?”

“Ebyen, nou pa wè Bondye.”

<sup>104</sup> “Bon, mwen se reprezantan Li,” Samyèl te di, “Èske m te janm di nou yon bagay ki pa sa? Èske m te janm pwofetize yon bagay ki pa t rive jis jan m te di li t ap fèt la? Èske m pa t anonse nou Pawòl Seyè a? E m ap mande nou sa: Èske m janm vin kote nou epi mande nou lajan? Èske mwen janm pran anyen nan men ou? Èske m te janm mennen anyen ke dirèkteman ENSI DI SEYÈ A? E a chak fwa, Bondye te konfime l, ke se te Laverite.” Apresa, Li te voye loraj ak lapli (Nou konn Ekriti a, nou menm, jis la.) pou pwouve ke Samyèl se te pòt pawòl Bondye.

<sup>105</sup> E tankou jan Samyèl te reprezante sa pafètman: Jodi a, Sentespri a—Sentespri a se pòt pawòl Bondye: k ap repete jis egzaktteman sa Bib la di; ki kwè jis sa Bib la di, e ki pap devye de Li, yon tikras.

<sup>106</sup> Men yo te vle yon moun ki te ka di yo lekonntrè. E moun yo patka di pwofesi Samyèl yo pa t pafè. Yo te reponn pou di “Samyèl, tou sa w te di nan Non Seyè a, Seyè a fè l rive jan w te di l la. Pa gen yon sèl fay. Ou pa t janm vin kote nou pou mande nou lajan nou. Ou te pran swen tèt ou. Ou pa janm mande nou pou n fè okenn gwo, bagay espektakilè pou ou. Ou te met konfyans ou nan Bondye w la, e Li te delivre w de tout bagay. E pawòl ou yo se laverite. Tout sa w te di nan Non Seyè a te egzaktteman jan w te di l la. Men kanmenm nou vle yon wa.”

<sup>107</sup> Èske w ka wè diferans lan? Eske w ka—ou wè riz—riz dyab la, ka fè sou yon èt imen? Olye pou misye oswa manzè lage tèt li nan men Sentespri a, epi koute sa ENSI DI SEYÈ A YE, pou yon vi pirifye, yon karaktè san tach, pou yon vi diferan, yon pèp espesyal, yon nasyon sen, yon pèp k ap aji etranj; yo te pito fè youn ak mond lan, epi aji tankou mond lan, apresa al nan kèk legliz k ap di, “Se kòrèk, jis konpòte w konsa epi kontinye.”

<sup>108</sup> Èske w wè sa l ye? Yo di, “Pa gen bagay konsa tankou gerizon. O, batèm Sentespri a se te yon estrikti pou legliz.” Nan lòt mo, alòs Bondye te pran lòm, te mete Sentespri a deyò legliz la, epi kite denominasyon bati sa. Jamè, jamè. Pa gen bagay konsa. Sentespri a, Pawòl Verite a, te dwe gide w jiskaske Jezi vini. Men se konsa sa—sa te fèt.

<sup>109</sup> Sayil te vin sou pouvwa. Li te remakab . . . Li te gen yon gwo foul dèyè l. O, li te gen bèl zam. Li te gen chantè. Li te gen boukliye, e li te gen javlo. O, li te depase tout rès nasyon yo. Apresa li te mennen yo nan yon demokrasi ki te depase tout sa yon moun te janm tande pale.

<sup>110</sup> E se egzaktteman sa denominasyon ak legliz nou yo te fè jodi a. Nou gen pi gwo konstriksyon legliz nan mond lan. Nou gen moun ki pi byen abiye nan mond lan. Nou gen pi gwo bous detid ke w ka prezante.

<sup>111</sup> Menm jan ak mesye byen antrene Sayil yo ki te kab pran javlo sa. yo te kab bouje l epi fè manèv avè l jiskaske nasyon te pè yo. Yo te dè moun byen antrene, ak tout bagay. Men, yon jou, yon

moman te rive kote ke yon opozan te parèt. epi sa te tèlman bay tout lame Izrayelit la pwoblèm ke yo te kanpe, ap tranble nan soulye yo. Golyat te lanse yo yon defi, “Si Bondye w la se sa w di Li ye a! Nou se sila ki pi byen antrene.” E li te defye yo. Yo pa t konn kisa pou yo fè. Bèl zam, byen poli yo a patap mache. Javlo yo patap mache. Te gen yon bagay ke yo pa t tande pale, anvan, ki t ap pase.

<sup>112</sup> An tout reverans ak respè pou Bondye, epi onè ak diyite, e lanmou ak fratènite kretyèn, m ap di sa: Mwen te li, lòt jou, nan yon jounal Afriken, kote pitit Kich pa nou an, opozan nan mouvman evanjelizasyon nou an, lè yon Mawometan te defye l, Billy Graham. Li te di, “Si Bondye w la se Bondye, se pou L geri malad yo jan L te di Li t ap fè a.” Epi pitit Kich la ansanm ak rès lame a, te rete trankil epi te kite peyi a, nan defèt. Se yon wont. Bondye nou an se Bondye.

<sup>113</sup> Nou gen bon legliz nou yo. Nou gen bon kalite evanjelizasyon pa nou. Nou gen chantè ke nou peye. Nou gen pi bon koral, kloche ki pi wo nan peyi a. Nou gen moun ki pi byenelve, kèk ki gen plis lajan. Nou gen entelektyèl. Nou posede teyoloji nan yon pwen ke; nou ka preche l; nou ka deklare l. Nou ka evanjelize pou fè moun antre, epi mennen dè milyon, konvèti, chak ane, nan legliz la. [Espas vid sou kasèt la—Editè a.] Chantè salarye nou yo, evanjelizasyon entelektyèl nou an, pa konn kijan pou leve yon defi konsa. Yo pa konn anyen nan sa. Yo pa konn anyen nan pwisans gerizon L, nan batèm Sentespri a, nan pwisans ki ka pran lonbraj yon nonm k ap mouri ak kansè, pou delivre l. Yo pa konn anyen nan sa. Yo pa t resevwa fòmasyon nan domèn sa, menm jan ak Sayil ak gwoup li a ke lòm te fè.

<sup>114</sup> Men pèmèt mwen di pèp Bondye a, e nou menm timoun yo, pou nou ka konnen ke Bondye pa janm kite nou san temwen.

<sup>115</sup> San konesans, tankou Sayil, Sayil pa t konn anyen nan sa. Men Bondye te gen yon ti David laba dèyè ti mòn lan kèk kote, ki pa t ap bay mouton yo manje move zèb eklezyastik. Li t ap kondui yo bò kote dlo trankil e nan patiraj vèt yo. Li te sousye l de mouton papa l yo. E si yon bagay te rantre, yon lènmi, pou pran youn nan mouton papa l yo, li te konn pwisans Bondye a pou delivre mouton sa.

<sup>116</sup> Bondye toujou gen yon David, kèk kote, ki konnen sa sa vle di pou delivre youn nan mouton Bondye yo, ak pouvwa Bondye. Li toujou konn tout bagay sou sa.

<sup>117</sup> Li te gen konfyans. Li pa t konn anyen sou zam pa Sayil la, li pa t vle anyen nan sa nonplis. Li pa t vle ankenn nan denominasyon pa yo a. Li pa t vle vye zam sa sou li. Li te di, “Mwen pa konn anyen nan sa. Men kite m ale ak pwisans ke m konnen an.” Li te konn bay mouton papa l yo manje. Li te konn pran swen patiraj yo. Li te konn ba yo bon kalite manje a, e yo te konn viv epi pwospere.

118 “Lòm pa p viv ak pen sèlman. Men ak chak Pawòl ki soti nan bouch Bondye, lòm va viv.” Vrè Bèje a ba yo manje. “Jezikri se menm lan ayè, jodi a ak pou tout tan.” Men si lènmi an met men sou youn, nan maladi, li konn pwisans Bondye a.

119 Gade ti David, ki te kanpe la. Li te di, “Jènòm sa se yon gèrye, depi l fèt. Epi depi l piti, li pa konn anyen ke javlo ak zam. Li te byen antrene. Li se yon teyolojyen. E oumenm ou pa konn anyen nan sa.”

120 Li te reponn, “Se vre, mesye. Mwen pa konn anyen nan fòmasyon teyolojik li a. Men gen yon bagay ke m konnen, sè ke, lè yon lènmi antre, pou pran youn nan mouton papa m yo, Mwen te konn ale ak pwisans Bondye. Mwen te konn delivre l. Mwen te konn mennen l tounen an sekirite an bòn sante ankò. Mwen te konn mennen l tounen nan patiraj vèt yo ki gen lonbraj ak dlo trankil yo. E Bondye ki te livre lyon an nan men m, pou m te touye l lè l te pran youn nan—nan mouton yo, e Li te kite m touye lous la, konsa Bondye ki nan syèl la va avè m pou touye Filisten ki pa sikonsi sa.”

Nou bezwen lidèchip Sentespri a. Mwen pa konn kantite jou m yo; pèsonn pa konn sa.

121 Avan yè maten m te lonje nan kabann mwen. E m te . . . m te nan dòmi, m te reve ke Jozèf te malad, epi m te pran l pou m priye pou li. E lè m te reveye, mwen te boulvèse anpil. M te di, “Ebyen, petèt Jozèf pral malad.”

122 Apresa m te gade, ap defile devan m, yon ti, ti lonbraj sonb, koulè mawon pito. Epi sa te sanble tankou se te mwen. E m t ap obsève sa. Epi yon Moun koulè blan te vini apre sa, se te Limenm. Mwen te vire gade madanm mwen, pou m wè si l te reveye, pou m te ka montre l, si l te kab wè vizyon an. Men li t ap dòmi.

123 M te di, “O, mwen regrèt, Seyè. Men, sa se istwa vi m. Ou te oblije trennen m pou tout bagay m te fè. Chak fwa yon bagay t ap rive, mwen taka panse ke se te Oumenm ki t ap fè l. Epi mwen reyalize ke se Satan ki t ap eseye kenbe m lwenn sa.” M te di, “Si W te ka sèlman kondui m.” E pandan m t ap gade, m te wè pi bèl figi m te janm wè de yon nonm. Li te devan m, ap gade dèyè. Li te leve men L, pou kenbe men pa m, e sa te kòmanse ap deplase nan direksyon sa a. Vizyon an te kite m. Dimanch maten pase, mwen te, te leve byen bonè. Se te nan samdi, vizyon sa a. Sou . . .

124 Mwen te toujou gen enkyetid, mwen te toujou panse ke m ap mouri. Poutèt, mwen a senkantann daj, sè ke, tan mwen pa . . . m pa t panse sa t ap twò long. E m t ap mande m kisa m t ap ye nan teyofani, kò selès sa. “Eske m ap wè bon jan zanmi m yo epi, tankou, yon ti bwouya blan k ap pase, epi di, ‘Men frè Neville k ap pase,’ oswa, limenm pap ka di, ‘Bonjou, Frè Branham?’ E lè Jezi va vini, lè sa m t ap tounen moun ankò.” Mwen te souvan panse sa.



125 Mwen t ap reve ke mwen te al nan Lwès. Apresa mwen t ap desann atravè yon ti bwaze ak ti pyebwa ajante, e madanm mwen te avè m, e nou t ap fè lapèch pwason twit. E mwen te kanpe epi—epi m te louvri pòtay la. Epi syèl la te sitèlman bèl. Yo pa t sanble ak jan yo ye nan vale isit la. Yo te koulè ble, ak bèl nyaj blan. E m te di madanm mwen, mwen te di, “Nou te dwe isit la, depi lontan, cheri.” Li te di, “Pou byennèt timoun yo, nou ta dwe, Billy.” Mwen te di, “Sa se . . .” E, m te reveye.

126 M te panse, “Mwen tèlman fè rèv! M ap mande m pou ki rezon.” E m te gade anba, e manzè te lonje bò kote m.

127 Apresa m te sòlve tèt mwen sou zòrye m, jan anpil nan nou moun yo konn fè l, mete tèt mwen sou—sou tèt kabann lan, epi mete men m pa dèyè. E m te lonje la *konsa*. Apresa m te di, “Ebyen, mwen jis ap mande m kisa sa pral ye, lòtbò a. Mwen deja gen senkant, e m poko fè anyen ankò. Si m te ka sèlman fè yon bagay pou ede Seyè a, paske m konnen mwen p ap toujou rete mòtèl. Mwatye tan m te pase, omwen, oswa plis ke mwatye. Si m ap viv menm dire tan ke moun mwen yo, ankò mwatye tan m pase.” Epi m te gade toutotou. Apresa mwen te lonje la, ap prepare m pou m leve. Li te anviwon sètè. M te di, “Mwen kwè m ap desann al legliz, maten an. Si m anwe, m ta renmen tande Frè Neville ap preche.”

128 Konsa m te di, “Ou reveye, cheri?” E li te nan pwofon somèy.

129 Mwen pa vle w rate sa. Sa te chanje m. Mwen paka menm Frè Branham m te ye a.

130 Apresa m te gade. E m te tande yon Bagay, ki t ap pede di, “Ou fèk kòmanse. Kontinye batay la. Jis kontinye.”

131 Mwen te sekwe tèt mwen yon minit. M te panse, “Ebyen, pwobableman se mwen ki jis ap panse konsa.” Ou konnen, yon moun ka gen kèk imajinasyon. E m te di, “m te jis imajine sa pwobableman.”

Sa te di, “kontinye batay la. Kontinye. Kontinye.”

132 M te di, “Petèt se mwen ki te di sa.” E m te rantre po bouch mwen anndan dan m yo, epi m te mete men m sou bouch mwen.

133 Men Li ankò, ki te di, “Jis kontinye avanse. Si sèlman w te konnen sa k nan fen wout la!”

134 Epi sa te sanble ke m te kab tande Graham Snelling, oswa yon moun, ki t ap chante kantik sa konsa (Yo konn chante l isit la, Anna Mae ak nou tout.):

Mwen sonje lakay mwen e mwen pa byen,  
mwen vle wè Jezi,  
Mwen ta renmen tande klòch dous nan pò a ap  
sonnen;  
Sa t ap klere santye m epi fè disparèt tout  
laperèz;  
Seyè, kite m gade pi lwen depase rido tan an.

Ou konn tande y ap chante l isit la nan legliz la.

135 Apresa mwen tande yon Bagay di, “Èske w ta jis renmen wè pi lwen depase rido a?”

M te reponn, “Sa t ap tèlman ede m.”

136 E m te gade. Jis nan yon ti bat je, mwen . . . yon respirasyon m te antre nan yon ti Plas ki te panche. M te gad dèyè, e men mwen, lonje sou kabann lan. Mwen te di, “Sa se yon bagay etranj.”

137 Bon, m pa ta vle w repete sa. Men m devan legliz mwen, oswa devan brebi pa m ke se mwen ki pastè a. Ke se te, ke m te nan kò sa ou deyò li, ke se te yon anlèvman, se pa t tankou okenn vizyon m te janm genyen. Mwen te ka ap gade Laba, epi m te ka ap gade isit la.

138 Epi lè m te rive nan ti Plas sa, M pat janm wè otan de moun ki t ap vini ankouran, ap rele, “O, presye frè nou an!”

139 E m te gade. Jèn fi, petèt ki nan kòmansman ventèn yo, ant dizuit e ventan, yo t ap antoure m ak bra yo, yo t ap rele, “Presye frè nou an!”

140 Men yon bann jenn gason, nan plen fòs jenès yo. Ak je yo ap briye epi sanble ak zetwal pandan yon nwit ki fè nwa. Dan yo blan menm jan ak pèl. Epi yo t ap rele fò, epi t ap rale m, e yo t ap rele fò, “O, presye frè nou an!”

141 Apresa m te estope, e m te gade. E mwen te vin jèn. Mwen te vire gade vye kò m ki te lonje la, ak men m yo dèyè tèt mwen. E m te di, “Mwen pa konprann sa.”

142 E jèn fi sa yo te antoure m ak bra yo. Bon, mwen trè konsyan ke se yon gwoup melanje, e m ap di sa a ak dousè epi serenite Lespri. Gason paka pase men lan kou fanm san yon sansasyon imen; men pa t gen sa La. Pa t gen ni yè ni demen. Yo pa t fatige. Yo te . . . Mwen pa t janm wè bèl fi konsa tout vi m. Yo te gen cheve desann jouk nan tay yo, jip yo te long jouk nan pye yo. E yo te jis ap banm akolad. Se pa t yon akolad menm jan ak pwòp sè m, ki chita la, ta ka ban mwen. Yo pa t ap bo m, e mwen pa t ap bo yo. Se te yon bagay ke m—m pa gen—gen vokabilè, mwen pa t gen mo pou eksprime l. “Pèfeksyon” patap ase. “Sipèb” patap menm touche l, menm pa. Se te yon bagay ke m pat janm . . . Ou jis dwe twouve w La.

143 Apresa, mwen te gade nan direksyon sa a, epi nan lòt direksyon an. E yo t ap rive, pa milye. Epi m te di, “M pa konprann sa a.” Mwen te di, “Ebyen, yo . . .”

144 Epi men Hope. Se te premye madanm mwen. Li te kouri, e li pat janm di, “Mari mwen.” Li te di, “Presye frè m nan,” e lè l te ban m yon akolad, te gen yon lòt fi ki te kanpe la, ki te ban m yon akolad, e apres, Hope bay fi sa yon akolad; epi yo chak. E M te panse, “O, sa dwe yon bagay diferan. Se pa posib . . . Gen yon bagay . . .” M te panse, “O, èske m t ap janm vle tounen nan vye zosman kò sa ankò?”

145 Mwen te gade toutotou lè sa. M te panse, “Kisa sa ye?” Apresa m te gade, byen gade. E m—m te di, “Mwen—Mwen paka konprann sa a.” Men Hope te sanble tankou, o, yon envite donè. Li pa t diferan, men jis tankou yon envite donè.

146 Apresa m te tande yon vwa ki pale avè m, nan chanm nan, ki te di, “Se sa w te preche ki te Sentespri a. Sa a se Lanmou pafè. E anyen paka antre Isit la san Sa.”

147 Mwen plis detèmine, ke jamè nan vi mwen, ke sa pran Lanmou pafè, pou antre La. Pa t gen jalouzi. Pa t gen okenn fatig. Pa t gen lanmò. Maladi pa t ka janm, antre La. Mòtalite; patka—patka janm fè w vyeyi. Epi . . . Yo patka kriye. Se te sèlman kè kontan.

148 “O, presye frè mwen!” Apresa yo te pran m, pou mete m yon kote ekstraòdinè byen wo.

149 M te panse, “Mwen pa p reve. M t ap gade kò m—kò m ki lonje anba la sou kabann lan.”

150 E yo te mete m anwo la. E m te di, “O, m pa ta dwe chita la.”

151 E men yon bann fi ak gason ki t ap vini, tou de kote yo, jis nan flè jenès yo, ap rele fò. E yon dam te kanpe la, e li t ap rele fò, “O, presye frè mwen! O, nou tèlman kontan wè w Isit la.”

Mwen te di, “M pa konprann sa a.”

152 E alòs Vwa sa ki t ap pale, apati de anlè tèt mwen an, te di, “Ou konnen, sa ekri nan Bib la ke pwofèt yo ap rasanble ansanm ak moun pa yo.”

E m te di, “Wi. Mwen sonje sa nan Lézkriti.”

Li te di, “Ebyen, sa a se moman w va rasanble ak moun pa w yo.”

Mwen te di, “Lè sa yo va reyèl, epi m ap ka manyen yo.”

“O, wi.”

153 Mwen te di, “Men, gen dè milyon. Pa gen anpil Branham konsa.”

154 E Vwa sa te di, “Se pa Branham yo ye. Yomenm yo se konvèti w yo. Se sila yo ke w te mennen jwenn Seyè a.” E l te di: “Gen kèk nan fi yo la, ke w panse ki sitèlman bèl, yo te gen plis pase katrevendizan lè w te mennen yo jwenn Seyè a. Se pa etonan y ap rele byen fò, ‘Presye frè nou an!’”

155 E yo tout ansanm, te rele byen fò, pou di, “Si w pa t ale, nou pa t ap Isit la.”

Mwen te gade toutotou. M te panse, “Ebyen, m pa konprann sa.”

M te di, “O, kot Jezi? Mwen vle wè L, anpil anpil.”

156 Yo te di, “Kounye a, li jis yon tikras pi wo, jis anwo nan direksyon sa.” Yo te di, “Yon jou L ap vin kote w.” Ou wè? Yo te di, “Yo te voye w, pou w te yon lidè. Bondye pral vini. Epi lè

L va vini, L ap jije w dapre sa w te anseye yo, dàbò, ke yo reyisi antre ou pa. N ap antre dapre ansèyman w lan.”

157 Mwen te di, “O, m sitèlman kontan. Èske Pòl, ap oblije reponn konsa? Èske Pyè oblije reponn konsa?”

“Wi.”

158 Mwen te di, “Alòs m te preche chak Pawòl yo te preche. Mwen pa t janm ekate m de Sa, ni yon kote ni yon lòt. Kote yo te batize nan Non Jezikri, mwen te fè l tou. Kote yo te anseye batèm Sentespri a, mwen te fè l tou. Kèlkeswa sa yo te anseye a, mwen te fè l tou.”

159 E moun sa yo te rele byen fò, epi yo te di, “Nou konn sa. Epi nou konnen n ap retounen avèk ou, yon jou, sou tè a.” Yo te di, “Jezi pral vini, e yo va jije w dapre Pawòl ou te preche nou an. E answit si yo aksepte w nan moman sa, se sa k pral rive w,” epi yo te di, “Lè sa ou pral prezante nou ba Li, kòm twofe ministè w.” Yo te di, “Ou pral gide nou a Limenm, epi, tout ansanm, nou va tounen sou tè a, pou viv pou tout tan.”

M te di, “Èske m oblije retounen kounye a?”

“Wi. Men, kontinye ap avanse.”

160 Mwen te gade. Apresa m te ka wè moun, jis osi lwen ke m te kab wè, ki te toujou ap vini, ki te vle ban m akolad, ap rele fò, “Presye frè nou an!”

161 Jis nan moman sa yon Vwa te di, “Tout sa w te janm renmen, e tout sa ki te janm renmen w, Bondye ba ou yo Isit la.” Epi m te gade. E men vye chen m nan, ki t ap monte vini. Men chwal mwen an k ap vini, li te mete tèt li sou zepòl mwen, e li te ranni. Sa te di, “Tout sa w te janm renmen, e tout sa ki te janm renmen w, Bondye ba ou yo nan pla men w, atravè ministè w.”

Après mwen te santi m deplase kite bèl Plas sa.

162 E m te gade toutotou. Mwen te di, “Ou reveye, cheri?” Li te toujou ap dòmi.

163 E m te panse, “O Bondye! O, ede m, O Bondye. Pa janm kite m fè konpwomi ak yon sèl Pawòl. Kite m rete dwat nan Pawòl sa, pou preche L. Mwen pa fè ka de sa k ap vini oswa ki prale, sa nenpòt moun fè; konbyen Sayil. . . pitit Kich ki leve, konbyen *sesi, sela*, ou se lòtbò. Pèmèt mwen, Seyè, depeche m al nan Plas sa.” Tout laperèz lanmò. . .

164 M di sa, avèk Bib mwen devan m, maten an. Mwen gen yon ti gason la, ki gen katran, pou m elve. Mwen gen yon ti fi nevan; ak yon adolesan, ke m gen rekonesans pou li, ki te pran chemen Seyè a. Bondye, pèmèt mwen viv, pou elve yo nan konsèy Bondye.

165 E anlès de sa, mond lan annantye te sanble ap kriye fò a mwen menm, fanm kou gason ki gen katrevendizan, tout jan de moun, “Si w pa t ale, nou pa t ap Isit la.”

166 Epi, Bondye, kite m mennen batay la. Men si gen pou mouri, mwen pap atriste. Sa t ap yon jwa, sa t ap yon plezi, pou antre, kite kòripsyon ak wont sa.

167 Si m te ka ale, anwo byen lwen, san milya kilomèt de wotè, yon blòk kare, e sa se Lanmou pafè, chak pa nan direksyon sa, t ap retresi l, jiskaske nou desann anba kote nou ye kounye a. Sa t ap jis apèn lonbraj kòripsyon, ti bagay sa ke nou ka detekte epi fè n santi ke gen yon bagay kèkpa. Nou pa konn kisa Sa ye.

168 O, zanmi presye m yo, byenneme m yo, cheri m yo nan Levanjil la, pitit ke m te anjandre nan Bondye yo, koute mwen, pastè w la. Ou menm, mwen swete te gen yon fason m te kab eksplike w li. Pa gen mo; m pa t ka jwenn sa; ou pap jwenn sa ankenn kote. Men jis pi lwen dènye souf sa, se bagay ki pi gloriye ke w te janm. . . Pa gen okenn fason pou eksplike l. Pa gen okenn fason. M jis paka fè l. Men kèlkeswa sa ke w ap fè, zanmi, mete tout lòt bagay de kote jiskaske w gen Lanmou pafè. Rive nan pwèn kote w ka renmen tout moun, chak lènmi, tout lòt bagay.

169 Sèl vizit Laba sa, pou mwen, te rann mwen yon nonm diferan. Mwen pap ka janm, jamè, jamè menm Frè Branham mwen te ye a. Ke avyon yo ap balanse, ke zèklè ap briye, ke espyon an gen yon zam pwente sou mwen, kèlkeswa sa l ye a, sa pa gen enpòtans. Mwen pral kontinye batay la, ak gras Bondye. Paske, mwen te preche Levanjil la bay chak kreyati epi chak moun ke m te kapab, ap eseye konvenk yo konsènan bèl Peyi anwo sa.

170 Sa ka sanble difisil. Sa ka mande anpil fòs. Mwen pa konn konbyen tan ankò. Nou pa konnen, fizikman palan. Egz. . . Soti nan egzaminasyon m nan lòt jou, li te di, “Ou te gen vennsenkan lavi di, bon lavi. Ou solid.” Sa te ede m. Men, o, se pa t sa. Se pa sa. Se yon bagay anndan *isit* la. Kòripsyon sa gen pou l abiye l avèk sa k pa kòronpi. Mòtèl sa gen pou abiye ak imòtalite.

171 Pitit Kich yo ka leve. Mwen. . . Tout bon bagay ke yo va fè, m pa gen anyen mal pou di kont sa, bay pòv epi fè la charite. Epi sonje, kisa l ye, Samyèl te di Sayil, “Ou pral pwofetize tou.” Epi anpil nan mesye sa yo se dè predikatè remakab, pwisan, ki ka preche Pawòl la tankou akanj. Men toujou se pa volonte Bondye. Bondye te dwe wa yo. Frè, sè, kite Sentespri a kondui w.

Ann koube tèt nou jis yon moman.

Mwen tèlman anvi al lakay e mwen tris, mwen vle wè Jezi,  
Mwen ta renmen tande klòch dous nan pò sa yo sonnen;  
Sa t pa klere chemen m sa t pa fè disparèt tout laperèz;  
Seyè, pèmèt nou gade lòtbò rido tan an.

Seyè, kite m gade pi lwen rido lapenn ak  
 laperèz,  
 Kite m wè somè ak solèy klere sa;  
 Sa t ap ranfòse fwa nou e sa t ap fè tout laperèz  
 disparèt;  
 Seyè, pèmèt yo gade pi lwen rido tan an.

<sup>172</sup> Mwen sèten, Seyè, si ti legliz sa, maten an, te ka jis gade pi lwen rido a: patap menm gen yon chagren pami yo, sa pa t ap janm rive; pa menm yon maladi; anyen ke pèfeksyon. Epi se jis yon sèl souf ant isit la e Laba, sot nan veyès al nan jenès, sot nan tan al nan Etènite, sot nan trakase pou demen, epi lapenn pou yè, jouk nan tan prezan Etènite a nan pèfeksyon.

<sup>173</sup> Mwen priye, Bondye, pou W beni tout moun isit la, si genyen la, Seyè, ki pa konnen W nan fason Lanmou sa. E vrèman, Papa, anyen pa t kab antre nan Plas Sen sa san kalite Lanmou sa, nouvèl Nesans lan, ne de nouvo a. Sentespri a, Bondye, se Lanmou, e nou konnen ke se vre. Pe enpòt si nou deplase montay ak fwa nou, si nou fè gwo bagay, toujou, san Sa la, nou pap janm ka monte gwo nechèl sa laba. Men ak Sa, Sa ap soulve nou pi lwen sousi sou tè sa. Mwen priye, Papa, pou W beni moun yo isit la.

<sup>174</sup> Epi, ke, chak moun ki te tandè m, maten an, ap di Verite sa, ke W se temwen mwen, Seyè, tankou Samyèl nan tan lontan, “Èske m te janm di yo anyen nan Non W sinon sa k te vre?” Yo se jij. E m ap di yo kounye a, Seyè, ke W te mennen m nan Peyi sa. E Ou konnen ke se vre.

<sup>175</sup> E kounye a, Papa, si gen kèk ki pa konnen W, ke sa ka moman pou y ap di, “Seyè, mete nan mwen dezi pou ke se volonte W.” Akòde l, Papa.

<sup>176</sup> Epi kounye a, nou menm, ak tèt nou bese, èske nou ta renmen leve men nou, epi di: “Priye pou mwen, Frè Branham, pou volonte Bondye anndan mwen.”

<sup>177</sup> Kounye a pandan w jis kote w ye a, senpleman tou dousman, poukisa ou pa jis di Papa a, “Bondye, anndann kè m, jodi a, mwen renonse a tout bagay mond lan. Mwen renonse a tout bagay, pou m renmen W epi sèvi W, tout vi mwen. Epi mwen pral, apati de jou sa a, depi kounye a, m ap swiv Ou, nan chak Ekriti Bib Ou a?” Si w pa t batize nan batèm Kreyen an, “M ap fè l, Seyè.”

<sup>178</sup> “Si m poko resevwa Sentespri a . . .” Ou pral konnen kilè w te resevwa L. Li va ba ou—Li va ba ou asirans ak Lanmou ke w bezwen. O, ou ka te ajì diferan, ou ka te gen sansasyon, tankou ou ka te rele byen fò oswa pale an lang, ki byen. Men si Lanmou Divin sa pa la, kwè m kounye a, di, “Seyè, mete nan kè m, ak nanm mwen, pou m atenn Lespri W, pou m ka renmen, onore, epi gen Lanmou Divin sa nan kè m, jodi a, ki ta mennen m nan Peyi sa lè dènye souf mwen va kite m,” pandan n ap priye. Priye, oumenm, kounye a. Nan pwòp fason pa w, priye, mande Bondye pou fè sa pou ou.

179 Mwen renmen w. Mwen renmen w. Nou menm moun ak tèt blanch ki chita la, ki te travay di pou nou te bay timoun piti yo manje! Oumenm pòv, vye manman ki te siye dlo nan je yo! Kite m ba w asirans sa, sè, cheri, se pa chemen sa a atravè lòt souf laba. Mwen kwè ke Sa absoliman nan sal la. Se jis yon dimansyon ke n ap viv ladann. Sa a se jis yon kòripsyon ke n ap viv ladann kounye a.

180 “Men ke nan mwen, Seyè, se volonte W.” Priye, pandan n ap priye ansanm.

181 Ak reverans, Seyè, sou baz Pawòl Ou ak Sentespri Ou, nou tèlman kontan deske nou konnen ki kote Nesans nou soti. Nou kontan deske nou pa t “ne selon volonte lòm, ni selon volonte lachè, men selon volonte Bondye.”

182 E nou priye, jodi a, Papa, ke sila yo k ap mande gras ki padonnen kounye a, ke Lespri W va fè travay sa, Seyè. Pa gen okenn fason pou mwen fè l; Mwen se jis yon nonm, yon lòt pitit Kich. Men nou bezwen W, Sentespri a.

183 Bondye, pèmèt pou m tankou Samyèl, youn k ap di Verite Pawòl la. Epi Ou te konfime L, jiska prezan, e Mwen kwè ke W ap kontinye, toutotan mwen rete fidèl a Ou.

184 Ke yo tout resevwa lavi etènèl kounye a, Papa. Ke jou sa a pa janm kite yo. Nan moman kote yo vini pou kite mond sa, pèmèt sa, ke sa m fèk sot di yo a, vin yon reyalite. E alòske nou chita la, mòtèl, jodi a, ap gade lè, ap panse a manje midi, ak travay demen, ak sousi epi travay lavi, yo pap la lè sa. Yo tout pral disparèt. Pa pral gen sousi; apres sa se va yon sèl gwo kè kontan pou Letènite. Bay yo jan de Vi sa, Papa, yo chak. E pèmèt . . .

185 Mwen mande W sa, Papa, ke chak moun ki la maten an, ki te tande m ap rakonte vizyon sa, ke m ka rankontre yo chak lòt kote a; menm si ka gen dèzòm la ki pa ta dakò avè m, ak fanm, tou. Men, Papa, pa janm kite sa drese sou wout nou. Ke nou rankontre yo Laba, pou ap kouri, tou, epi atrap youn lòt, ap rele fò, “Presye frè nou an.” Pèmèt pou sa fèt tankou sa te montre Laba, Seyè, pou tout moun, tout moun mwen renmen, ak tout moun ki renmen m. M priye ke sa va fèt fason sa, Seyè. E mwen renmen yo tout. Pèmèt yo parèt, Papa. Mwen ofri yo Lavi Etènèl kounye a. Ke yo ranpli pati pa yo a, pou yo aksepte L. Paske mwen mande l lan Non Jezi. Amèn.

186 Nou jis gen kèk moman, pou priye pou malad yo. Mwen wè ke nou gen yon ti jenn fi, ki malad la, ak yon dam sou yon chèz.

187 Kounye a, a frè, sè, ki pi presye pou mwen yo, tanpri pa mal konprann mwen. Mwen—mwen pa konn sa k te rive. Mwen pa konn sa k te rive. Men, lè m mouri, Bondye, pèmèt mwen retounen La. Jis pèmèt mwen ale nan Plas sa, se kote m vle ye a, kèlkeswa kote l te ye. Mwen pap eseye vin yon Pòl ki te anlve nan twazyèm syèl. Mwen pap di sa. Mwen kwè ke Li te jis ap eseye ankouraje

m, ap eseye ban m yon ti bagay pou ankouraje m avanse, nan nouvo ministè m k ap vini an.

<sup>188</sup> Èske sa t ap sanble malelve si mwen li yon bagay la, jis yon minit? Èske sa t ap kòrèk? Youn nan magazin k ap dirije nasyon an, konsènan Billy Graham:

*Islam te envite Doktè Billy Graham, sa nan paj kouvèti jounal The Afrikaans Times, Kenz fevriye, 1960. Ekriven atik la, ki te yon Mizilman, Mahometan, panse ke mirak ta dwe swiv predikasyon Levanjil Kris la, ki se menm nan ayè, jodi a ak pou tout tan. N ap site: “Se sa: Kris te pwomèt disip li yo, lè L te di, ‘Moun ki kwè nan Mwen, zèv mwen fè yo li va fè yo tou; li va fè menm pi plis pase sa yo.’ Èske Legliz te janm fè zèv yo, ki se, atribi—atribi Kris nan Bib la? Èske Sa posib jodi a? Èske nenpòt legliz ka fè diferans lan, pou akonpli menm mwatye mirak ke Kris te fè yo, pou m pa di ‘pi gran zèv yo’? Èske w ka, antan ke endividi, raple w, te pran defans kretyen, ki te vini, pou resisite mò anvizyèlman? Èske w ka mache sou dlo? Èske w ka geri malad epi fè avèg wè? Èske sa pa, dapre epòk ki mansyone pi wo a, tabli pou Mahometan an, oubyen, tabli, oubyen, se tès pou disip Kris yo kòm kwa se deklarasyon yon moun kèlkonk, ki nan kwayans nou an?” Anpil nan atik Mizilman sa se klèman erè apre erè.*

<sup>189</sup> Yo diskredite Mizilman sa, men li te gen rezon. Kifè men kisa yo te dwe di:

Pi bon repons lan pou sa, se li Bib la, epi konnen Koran an. Koran an tolere ke . . . ak . . . te aksepte konparezon. Pretansyon ke “Mahometis ekstraòdinè epi li depase Kretyente,” se konplètman, (b-o-m-b-a-s-t-i-c) bombastic (mwen kwè) sa se imajinasyon. Ekriven an, malgres, te touche yon pwen enpòtan konsènan mirak ki fè pati Legliz la. Men la ankò nou doute de senserite ekriven an, paske kimoun ki te kab montre e ki te kab diskite mirak ke Rev. William Branham te fè yo devan Mizilman yo an Afrik di Sid, lè dimil te resevwa Kris kòm Sovè anba ministè William Branham, nan Durban, Afrik di Sid, ak lòt kote atravè mond lan, oswa pou T. L. Osborn nan Afrik de Lès? Natirèlman, nou kanpe san pousan ak Billy Graham. Nou te pale sou sans kesyon an, se yon . . . sans kesyon sa pa gen valè.

<sup>190</sup> Men nan mitan chak ti pati nan li (Yo te rele m . . . te di nou te dè fanatik, ke nou pa konn sa n ap fè a.), yo te oblije temwaye, nan pwòp jounal pa yo, ke Bondye te fè l, kanmenm. Bondye jis otan Bondye, jodi a, menm jan Li te toujou ye.

<sup>191</sup> Ou paka panse ke yo pa kwè sa, yo pa wè l. Sèlman sa pa t kache; sa pa t fèt nan yon kwen.



192 Ebyen dè santèn de milye de moun ki chita la a, te obsève sa. Lè yo te wè ti gason aflije enfim sa, vin la, Sentespri a pale l de vi li, ak tout bagay, ak sa k te rive anndan la. Epi wè dimil Mizilman lage kò yo atè a kouche atè, plat, epi aksepte Jezikri kòm Sovè pèsònèl.

193 Nou toujou gen T. L. Osborns, elatriye, ki toujou ap nourri ak Manje brebi. Mwen kwè Frè Osborn poko desann pami Mizilman yo ankò. Yo pretann ke yo tèlman siperyè. Men nou toujou gen yon Bondye ki ka delivre brebi a anba lyon an, ki ka delivre brebi a anba lous la.

194 Sa te fè m dibyen pou konnen ke yo te dwe ekri l pou admèt li. Non, yo panse ke yo pa fè sa; yo te elwaye yo, epi vire do yo, pou di, “Aa, jou sa yo pase.”

195 Mizilman an di, “Èske se vre? Alòs tout Bib la se lepase. Nou tout antò. W ap adore yon Nonm, yon Nonm ki mouri, e Non L se te Jezi. Epi li te mouri, sa gen anpil lane, e pa gen yon bagay konsa kòm kwa Li te resisite.”

196 Men yo pa t kab di sa nan reyinyon Durban lan. La li te kanpe ap fè menm bagay Li te fè yo, sa te pwouve a yomenm. Kounye a menm denominasyon yo—yo gen pou tounen, menm moun ki te ekri e ki te di m ke m ta gen pou m apiye ansèyman m sou Bib la, se te sila ki te dwe ekri sa nan jounal yo a. Bondye ap fè yo fè lwanj pou Li, kanmenm, alòs, pe enpòt. Se vre. L ap fè yo fè lwanj pou Li, nenpòt kijan an.

197 Nou gen yon ti jèn fi malad, ki chita la. Se pitit ou? Ki pwoblèm li, sè? [Sè a di, “Se emoraji nan sèvo.”—Editè a.] Madam? [“Emoraji nan sèvo.”] Emoraji nan sèvo. [“Mwen te ekri w, plizyè ane de sa, sou emoraji nan sèvo li a.”] O, wi. [“Li vin malad kounye a, l ap gen katran nan mwa out.”] Katran, nan mwa out. [“Frè Neville te desann al wè l.”] O, èske l soti Marengo, oswa yon kote anba la? [“Paoli.”] Paoli. Kidonk, se ti jèn fi sa, alò? Gen yon sèl bagay, manman, ki ka sove ti jèn fi a: Sèke, Bondye rekonèt li. [“Li mye pase jan l te ye.”] Mwen tèlman kontan pou sa.

198 Èske w te desann pou priye pou li, frè Neville? [Frè Neville di, “Wi mesye.”—Editè a.] Depi frè Neville te desann e l te priye pou li, li te fè mye. Toujou gen bèje ki konn Manje brebi.

199 Ki pwoblèm ou, chè sè, ki chita sou chèz la la a, pwoblèm pa w? [Yon sè di, “Li gen kansè.”—Editè a.] Kansè.

200 Ebyen, si m ta jis mande w yon bagay, petèt isit la menm. Konbyen moun isit la ki te geri ak . . . ak kansè? Leve men w. Gade la, sè. [“Li pratikman soud, epi li pa ka tande sa w di.”—Editè a.]

201 Bondye se Gerisè a. Nou konn sa. Si m te di w mwen ta ka desann la pou retire emoraji sa sou ti jèn fi a epi geri l, oswa, ke m ka retire kansè a nan fanm lan, mwen t ap di w sa ki fo. Men, mwen konn yon bagay, te gen yon lous (yon kansè, yon timè, yon

avègleman, e menm lanmò) ki te pran kèk nan mouton Bondye yo, yon jou, e mwen te ale ak pwisans Bondye a, Epi m te touye l, e mwen te mennen mouton sa yo tounen. Se vre. E jodi a n ap avanse, pa avèk yon gwo bagay, *sesi-sela*. M ap vanse ak ti fistibal lapriyè tou senp la. L ap mennen l tounen.

202 Ou kwè sa, pa vre, sè? Ou kwè, tou, pa vre, sè? Konbyen nan nou ki kwè ak kè nou kounye a?

203 Kounye a koube tèt nou pandan m pral priye.

204 Chè Papa, yon bèl jèn fi etann la, ki pap janm ka mache ankò, oswa deplase, sof si W ede l. Lènmi an te met men sou li. Li depase limit nenpòt doktè a. Lènmi an te voye l tèlman lwen anwo dan lèzè, nan pwen ke menm yon doktè pa t kab menm fè yon bagay. Men li pa depase limit pa W, Seyè. Li kote menm ke W ka met men W sou li. Sou baz Pawòl Bondye a, mwen mete men m sou jèn fi sa a, e m kondane emoraji nan sèvo sa a. Nan Non Jezikri, m rele l tounen vin yon fanm nòmal ankò. Li va viv pou glwa Bondye. Ke l ka santi l byen, pou ap rantre e soti nan legliz sa a, tankou lòt moun ki te antre yo, menm jan ak sa a, bay Bondye glwa. Ke sa fèt konsa, atravè Jezikri.

205 Tankou jiv nan cheve l yo, jis kèlke viwonn ankò, e l ap nan Peyi sa laba kote m te wè ki pa t gen vye granmoun ankò, sinon ke jèn. Sepandan moun li renmen yo chita la, ap kriye, e yo renmen l. Yon gwo lènmi te met men sou li epi te balanse l depase limit doktè, yon kansè tankou yon lyon ki bay laperèz. Bondye, mwen vini, pou chache l. Mwen vini pou mennen l tounen. Mwen touye kansè tankou lyon sa, lan Non Kris envensib la, pou Ki mwen se yon anbasadè. Ke sa kite l, e ke l vin byen, pou l viv anpil lane, ankò, pou lonè ak glwa Bondye, atravè Jezikri Seyè nou an.

206 Kounye a, Papa nou ki nan Syèl la, se pa jis ak gwo zam, se pa ak javlo byen poli, ak langaj epi vokabilè kèk oratè, men ak yon senp, ti fistibal lafwa. Mwen vini pou nanm sa a, ak kò sa a ke lènmi kansè te met men sou li depase limit tout doktè. Men, mwen vini pou li, maten an, Seyè, pou mennen l tounen nan patiraj vèt ki gen lonbraj ak dlo trankil. Nan Non Jezi triyonfan an, ke m se anbasadè pou Li a. Avèk yon fwa sensè, mwen kwè ke l ap retounen, ak pwisans priyè sa ke nou te fè a. Ke sa fèt konsa...?...

207 (Mwen kwè gen yon sèvis batèm. Èske genyen?) [Frè Neville di, “Wi mesye. De predikatè te deja gen kèk moun pou batize.”—Editè a.]

208 Èske w vle leve tèt ou jis yon ti moman? Pastè a fenk di m . . .

209 Moun sa yo malad, anpil anpil. Yo pral refè. Jis pa . . . Se byen. Pwomès Bondye pa janm fayi. Nou pral dèyè yo.

210 Yo gen yon sèvis batèm. Gen kèk moun ki dwe ale. N ap gen sèvis ankò aswè a.

211 Èske gen yon moun isit la ki pap kab vini aswè a, ki ta vle nou ofri yon priyè pou ou kounye a, youn ki pap ka isit la aswè a? Èske w vle vin la, ou menm ki paka vini aswè a. M ap gen plis tan; pou fòme yon liy priyè, aswè a. Yo oblije batize moun sa yo.

212 Ou gen yon ti gason la? Trè byen. [Yon frè di, “Se kòrèk si m ba w sa a?”—Editè a.] Wi, frè. Mèsi, anpil. Èske se kòrèk si m li l apre yon ti moman oswa kounye a menm? Mèsi, mesye.

213 Kounye a si w jis ban nou jis youn ou de minit de plis, lè sa noumenm nou ta gen sèvis—sèvis pou—pou batèm nan. Mwen konnen nou vle gade sa.

214 Epi moun ki ta renmen batize maten an, ebyen, noumenm, medam yo al *bò la* pou chanje rad yo, epi mesye yo al sou bò kote *sa a*. E apre sa pandan m ap priye pou moun ki malad sa yo, konsa w ap fè preparasyon pou sèvis batèm nan. Epi sila yo kounye a ki . . .

215 Bon, aswè a, m ap eseye fè yon—yon ti liy priyè, aswè a, touswit, osito ke yo antre. E nou pral kòmanse ak premye Liv Efezyen an, aswè a. Epitou n ap kontan anpil la pou akeyi nou, si nou pa gen okenn legliz pou n ale. Men si w gen pwòp pastè w ak legliz ou, alò ou—ou mèl al nan legliz presye ou kote w ap bay sipò w.

216 Si noumenm ki gen pou ale, ap kite nan moman sa, Bondye beni nou. Pase wè nou ankò lè w kapab. N ap kontan genyen w.

217 Èske yo dwe priye pou ou, tou, frè? Ki pwoblèm ou genyen? Tansyon wo.

218 Kounye a, rès nan nou yo, pandan n ap bese tèt nou, yon minit, nou vle priye.

219 Papa, mwen remèsye W, jodi a pou ti fistibal bèje a, lapriyè ki te mete lyon an ajenou, epi ti mouton an te rache sot nan men l, pou l te ka retounen bay manman l ak papa l. Mwen priye pou frè nou. Mwen mande pou W mennen l an sekirite, tou, Seyè. Se pou tansyon ak pwoblèm nan kò l yo sispann. M al dèyè l, Seyè, mennen l tounen, nan Non Jezikri. Ke sa fèt konsa. Amèn.

Bondye beni w, frè.

Pandan m ap desann, mwen wè w kenbe yon ti gason, avèg.

220 Yon lòt bagay mwen ta renmen di. Mwen te gen . . .malad anpil, ap vomi. Apresa m te panse . . .m pa vle w rate sa, si w kapab. M ’te panse, “Bondye, kisa m ta bay si m ta tande yon moun rete deyò a? Madanm mwen ta di, ‘Billy, gen yon mesye aje la ki vin wè w.’

221 “E men yon ti kanmarad, tèt chòv ak bab blanch pandye desann nan tout figi l. Li ta antre, pou di, ‘Ou se Frè Branham?’

“M t ap reponn, ‘Wi, mesye, se mwen menm.’

222 “‘Non pa m se Simon.’ Mete men l sou mwen, pou ap gade m yon minit. Li di, ‘Ou se yon kwayan, Frè Branham.’

“‘Wi.’

223 “‘Tout bagay pral byen.’ Simon Pyè, nan Bib la. Ala m t ap apresye sa! Li pa t ap gen pou di anpil bagay. Jis mete men l sou mwen, tout bagay t ap byen.”

224 E apresya kisa k te vin jwenn mwen, ak èd Bondye, epi ak gras Bondye, gen dè dizèn de milye moun ki kwè menm bagay la, si m ta al kote yo. E m te panse, “Seyè, pèmèt mwen atenn chak moun mwen kapab, konsa. Kite m jis—jis. . .”

225 M te panse, “Si Simon, oswa jis Pòl, kèk nan yo, ta jis antre pou di: ‘Ou se Frè Branham?’

“‘Wi.’

226 “Pou mete men yo sou mwen, epi gade m, pou di, ‘Dakò, Frè Branham,’ ou mèt jis al fè wout ou.

227 “Mwen t ap geri. Mwen t ap trè byen. Sèten. Mwen te di. . . O lala, kouraj mwen t ap vin sou mwen menm kote a. Mwen t ap di, ‘Mwen pral fè gran mye.’” Wi, mesye.

228 E gen moun ki kwè menm bagay sa jodi a. E se sa m ap desann la pou m fè, poze men sou ou, mande Bondye.

229 Mwen vle ale ak ti gason sa, sè, jis yon minit. Li se yon ti gason, avèg. Depi ki lè l te avèg? [Yon sè di, “Depi nesans li.”—Editè a.] Depi lè l fèt.

230 Alo, ti gason! O, ou se yon bon vanyan, jèn ti gason. . . ? . . .

231 O Bondye ki fè gras la! Lwen depase limit doktè, depi nesans ti gason sa, ki te fèt avèg, li pa ka wè; bo ti gason, chaman sa. Anvan ti zanmi sa te gen yon chans nan lavi a, lènmi an te sekwe l pi lwen kote doktè ka rive. Kidonk, m ap soti al dèyè l, maten an, Seyè. Senp ti fistibal lapriye sa. Pèmèt mwen mennen l tounen, Bondye. M ap rankontre lènmi an, dyab la, nan Non Jezikri, e mwen reklame ti gason sa pou Bondye. Mwen reklame je l, pou Bondye, pou ba li ankò sa Satan te vòlè pou li. Ke l genyen l. Nan Non Jezikri, sa va fèt. Kounye a, ke sa fèt konsa.

232 Kounye a, chè, sè, kounye a, piga w gen yon tikras dout ke ti gason sa pral kòrèk. E m vle w, mennen l tounen isit la nan legliz la, pou montre moun yo, ke l ka wè, la, w ap fè sa?

Ba l je l yo, nan Non Jezikri. . . ? . . .

233 Seyè Jezi, pou poze. . . Ti pitit sa ke nou te ofri sitèlman priye pou li a! Men, maten an, mwen vini ankò nan Non Jezikri, ap pote ti fistibal sa ke w te ban mwen an. E Ou te ede m avèk sa a, Seyè, pa Pwisans Ou, pou m pran. . . retire nan bouch kansè, nan bouch lanmò limenm, resisite mò apre ke yo fin pwononse yo mouri, epi lonje rèd e frèt. Mwen vin dèyè lènmi sa, nan Non Jezikri. Kidonk fè l retounen an bon sante ankò, Seyè. Akòde l. Se pou sa fèt konsa, pou glwa Bondye.

234 Yo dwe priye pou ou? [Yon sè ap pale ak Frè Branham—Editè a.] Ou se yon kwayan? [“Wi.”] Seyè, mwen mennen l, nan

pwoksimate ti fistibal sa. Nan Non Jezikri, ke sa kite l pou pa janm retounen.

235 [Yon sè ap pale ak Frè Branham—Editè a.] Ebyen, menm ti fistibal sa, ki te al chache Frè Harley a, pou pitit fi w la ak oudenm.

236 Kounye a, Papa nou ki nan Syèl la, m ap pouswiv lènmi an, ap sèvi ak ti fistibal sa ke W ban mwen an, paske W te di, “Si w reyisi fè moun yo kwè, epi ou sensè lè w ap priye,” ti wòch sa pral frape kote k ap touye a. Ke sa fè wout li kounye a, Seyè, alòske m voye l pou rekèt li a. Nan Non Jezikri, ke sa fèt konsa. Amèn.

237 [Yon sè ap pale ak Frè Branham—Editè a.] Trè byen, sè. Kounye a nou. . . Pwoblèm nè depase kapasite doktè. Yo ka ba w yon bagay ki ka kalme w, men li pral fè w vin pi mal, apre sa. Ya. Kounye a gade. N ap soti pou pouswiv li, maten an. N ap soti; pou mennen w tounen. [Espas vid sou kasèt la.]

238 Seyè Jezi, . . . [Espas vid sou kasèt la—Editè a.] . . . senk ti wòch, l-a-f-w-a, ak fistibal lapriye a. Apresa m ap mennen sèm nan tounen sot nan grif nèvozite sa . . . ? . . . laba. M ap mennen l tounen nan lapè ak lonbraj patiraj vèt ak dlo trankil. Mwen fè sa nan non Jezikri. Amèn.

[Yon sè ap pale ak Frè Branham—Editè a.]

239 Bondye Papa, ti pitit fi sa, nou tèlman kontan ke se pa t distwofi miskilè. Men kèlkeswa sa l ye a, li toujou nan men W, Seyè. E mwen vini ak ti fistibal lafwa a, ak wòch sa a. Apresa m ap lanse wòch sa ak tout fòs mwen ka voye l. Nan Non Jezikri, ke sa atenn sib la. Ke sè nou an geri. Mwen fè sa lan non Jezikri.

[Yon sè ap pale ak Frè Branham—Editè a.]

240 Menm jan jèn manman sa, ak ti pitit li a, yon ti pitit ke l te vle rankontre laba, lòt kote a, nan Peyi gloriye sa a ke m sot pale a, e yo . . . Manman an pap viv pou . . . elve ti kanmarad la, epi ni ti pitit la paka viv lontan san èd Ou. Men m ap vini ak fistibal la, ak tout fòs sou sib la jan m ka lanse l sou lènmi an. E lan Non Jezikri, mwen lanse sa sou li. Yo pral geri, pou glwa Bondye. Nan Non Jezi. Amèn.

[Yon sè ap pale ak Frè Branham—Editè a.]

241 O, sa bèl anpil. Mwen byen kontan. Ebyen, ministè sa, la, se te pi gwo ministè pou w montre moun yo. Li te montre zèv yo . . . ? . . .

242 Papa nou ki nan Syèl la, Satan te dewoute ti maman sa lwen depase limit doktè yo laba. Yo ka sèlman lanse yon medikaman fason sa, Seyè, ki va sèlman dechire l toutotou, e toutotou, pou fè l apèn rekonèt ki kote l ye. E apres lè l vin a limenm, li vin pi mal. Men mwen vin ak fistibal lafwa sa, ak yon wòch, k ap dirije vè yon sib dirèk, pou tonbe nan sant li. Nan Non Jezikri, mwen retire nèvozite sa sou li, pou glwa Bondye. Amèn.

[Yon moun ap pale ak Frè Branham—Editè a.]

<sup>243</sup> Chè Bondye, frè George etann laba, t ap mouri, pa gen lontan, Mwen te wè sa lafwa te fè pou li. Kounye a, li gen rimatis, Seyè. Nou reyalize ke yo ka ba l kèk kortizon, yon bagay ki ta ka yon jan soulaje doulè a, men sa pap wete bagay la. Konsa nou vize ak priyè sa, nan Non Jezikri. Se pou rimatis la ale. Se pou limenm al lakay epi geri.


Mèsi, frè.

<sup>244</sup> Kòman w ye, ti cheri? [Yon sè ap pale ak Frè Branham—Editè a.] O, lala! Soud. Èske ou pa ka tandè ditou? En-hen. Jis depase limit kapasite mòtèl! Ou se yon kwayan nan Seyè Jezi? [“Amèn.”] M ap gade yon bèl dam Laba, youn nan jou sa yo. Ou pral jèn ankò pou tout tan. Mwen konnen ou vle viv kounye a pou Glwa Li. W ap retounen yon . . .

<sup>245</sup> [Sè a di, “Non, mwen gen lapenn pou pitit gason m nan.”—Editè a.] Pitit gason w. [“Ki te pati sa fè plis pase dezan.”] Ou pa ka jwenn li? [“Li nan men Bondye.”] O, li—li te kontinye? [“En-en. Atravè vale lanmò.”] O, se sa. [“epi lapenn mwen an.”] Doulè-lapenn. Ya. [“Mwen gen lapenn . . . Mwen gen doulè-lapenn. Apresa mwen santi tankou, si se volonte Bondye, mwen ta renmen pou L pran m. Mwen pa gen anyen lòt sof kontantman nan Li.”]

<sup>246</sup> Chè sè, mwen vle pou rive kote w santi w byen. Eske li te tandè vizyon an, maten an? [Lòt sè a di, “Li ka tandè trè byen.”—Editè a.] Ebyen, ou va di l.

<sup>247</sup> Bon, li pral di w sa k te pase. Jis pi lwen souf ou isit la, ti gason presye sa ap tann ou. Ou va jèn tankou li. Lanmou, jis renmen . . . [Sè a di, “Mwen pa vle rete. Mwen vle al jwenn li, si se volonte Bondye.”—Editè a.]

<sup>248</sup> Bondye Papa nou ki nan Syèl la, kous lavi a te fini. Pa gen anpil ki rete ankò. E ti gason presye li a, jis lòtbò rivyè a, si l te kab sèlman gade dèyè, li t ap di, “Jis nan kèk jou.” Manzè ap tann bato a, Seyè, ki pral mennen l atravè bwouya a, nan Peyi glworiye sa. Beni li, Papa, epi konsòle kè l. Epi ke sa ka yon reyinyon ekstraòdinè, jis lòtbò rivyè a. 

*WA KI REJTE A* CRE60-0515M  
(The Rejected King)

Mesaj sa-a ke Frè William Marrion Branham te preche premye fwa nan lang angle nan Dimanche maten, 15 me, 1960, nan Branham Tabènak nan Jeffersonville, Indiana, U.S.A., yo te prann a pati de yon anrejistreman kasèt mayetik ke yo te enprime konplètman an angle. Tradiksyon kreyol sa-a te enprime e distribye tou pa Voice of God Recordings.

HAITIAN CREOLE

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Entèdiksyon fè Kopi

Otorizasyon ki ba w dwa. Ou kapab enprime liv sa a lakay ou pou pwòp tèt ou osinon pou w bay gratis, on fason pou w simaye Levanjil Jezi Kris la. Ou pa kapab vann liv sa a, ni repwodui on bann ak pakèt, ni mete l sou entènèt, ni anpile l sou yon lòt fòm, ni tradui l nan lòt lang, osinon itilize l pou ranmase lajan si ou pa gen yon pèmisyon ekri sou papye kòm sa dwatèt Voice Of God Recordings®.

Pou pi plis enfòmasyon osinon pou lòt materyèl disponib, kontakte souple:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)